

陳太史無夢園初集

剡溪記

溪江平渡二十里望上虞龍珠山翠色拂人三四曲爲金星吐月山陶家卜窳窳面前一山吐夢樹皆垂雲左一小山鬱起竹木森茂而一小崗尾之沿溪山二十餘乍起乍伏舉頭闕處則有遠岫補之水六七折溪田遶其中溪聲如近見樹根浮面宛若艤舟其下入畫則摩詰人詩則青蓮山不甚奇而峭水不甚濶而秀人家不多而山呼谷應目之夕矣牛羊下來境亦不寥

寂稍前則馮家浦芳雉堞環拱而晚照沙平水
波容與遠山皆碧霸王山突起江面山後修竹
崇崗匯爲一湖如半月日照風帆如雲而東西
兩霸王山可招臂呼蓋溪江水口二鎮山皆錯
綉臨江一壁獨出江流八百束如駕馬而鬪一
松兩巢如承露盤小浦藏舟綠樹爲家遙聞聲
而思想天工造此溪山神慵意懶塗抹成峯巒
唾餘是波浪傍溪諸山高者與屋平低者人行
反出其上凌霄之樹可伯叔行初出之笋可兄

弟行如老人不耐行走持杖緩行常匍伏常跌
坐宜閑雲數片往來其間亦宜遠眺山與雲齊
江挾風湧令人目不敢視余方細聽溪聲落平
田而舟人已指點東山在數行松樹間散髮披
襟尋謝公見晉朝兩石將軍高約一丈五一神
氣安閑一威武作色鬚眉如戟各執長劍各披
虎甲腰玉環一劍作龍形一劍作鍾形臂結束
帽下皆懸一帶束緊玉環之上更有一束寺僧
云常走入村間今半身在草泥中余盡搜而得

之初入嶺奇松十樹有二大石正襟危坐松枝
倒舞懸百尺而下垂田畝聞環珮音一松折躬
而上最奇峭先是風倒一枝枝猶在下去年雪
壓一枝枝在上作蟠舞勢更可悅痛此爲小石
門云纍纍而坐者西眺峯巒八松蟠臥則大石
門國慶戒碑立其上稍上爲洗屐池池灣月形
四環一澗池中勺水經旱不竭余自天台來無
日不著屐茲遊獨晴又晚霽自此爲薔薇洞更
衣亭荷花池亭池塘尚有菱草而路旁無洞闌

當年四面惟薔薇花結爲洞挾妓遊此故云洞
前后五松一松倒垂勢直從西眺望狀若交頸
洞口摸索五幹其上獨瘦舞腰肢疑美人影落
再上爲龍牙石者二左牙尤逼肖上頂一小塔
亦晉朝物小橋聽澗聲暗度一松和之殿前老
梅一枝山徑漸深湖如片鏡抵僧房行二里無
一人遙望僧房樓上間看山頭以手招之而出
爲太虛上人登其樓見樓右殿之巔有屋三楹
太傅祠也文靖中康樂公左襲封康樂公右皆

長髯風吹鬚動聞寺有百鳥圖以谷擲之僅存
其軀又有嗣封公浴圖赤身裸立修髯過腹惜
乎不見舊有古鐘鐘煅鑄爲邑塔頂惟殿後高
崗晉永平元年僧法蘭書棋墅二字可珍若東
眺西眺二碑隸字不知何人所書筆亦奇古余
拜太傅公墓上西眺崇崗見戚家山王家澗山
坐于江面山一從嵎一從上虞一從董浦湯浦
一從蒿壩一有琵琶州水港環流結成琵琶之
形而水方沒澗隱于泥其聲靜悄可聽太傅自

山頂騎馬巡山路皆平曠曰謫馬路余自尋大
石門而下浮上東眺見鴉尖山下有靈芝湖遊
人皆自西眺止余在山巔正觀落照舟移數十
步觀泗州州亭坐指石崇巖中而一石雄踞臨
江卽眺石也行廿里瞻顧不絕抵上浦人家雜
紅霧中落照餘霞數道十里遊仙又十里卽蒿
壩云橋壁五里壁有夜光見壁下持燈者月照
帆影波容零碎至東關過舟畱一隙觀樹

刻憶

自陶堰抵蒿沙際灘江聲臥月色二十里爲東
山孤嶼幽溪流幽山夾千流爲剡溪嵒浦入剡
以舟勝過清風嶺王烈婦初至正間千夫將執
其夫與舅姑殺而將之歸求死不得給曰願服
期月之喪許之兵適剡過此嶺噴血痛哭作書
投崖下死近崖居民皆戮至今不寒而慄神能
誘致倭入廟殲于官兵焉

三十五里至新昌新昌鑿節爲大佛月巖劈一

鱗如窓櫺中秋正當崖鱗鱗有三松余在會稽
見陶石簀坐千錐萬鑿中甚爲不平今佛亦不
免况佛子也前有後猊二石甚古錢忠肅施錢
以八千萬貫計會稽原是真山水近體在山遠
神在水今幻作花園又幻在書舍太損自然剝
流入娥江隔鑑湖一堤儘堪致棹興盡而返何
爲者哉稱剡又或稱嵊云出剡南郊渡石橋橋
長三百餘丈日涉萬人天姥嶺萬馬渡一束山
水慵懶之意爲之整肅故萬年寺之有九里坑

也是乾坤寒冰金玉之所結也

過新昌從桃墅而徑幽絕水咽于石戛之微鳴
宿斑竹嶺爲談斑竹童生亦一奇云某查盤理
刑過江忽見嬌童自錢塘匍匐迎若急欲訴者
詢之無言每日手持佳茗送于路某公嗜茗道
傍多渴甚樂之及抵斑竹乃自言其里在云膝
行而道之入洗腆乃公問所顧曰欲府取耳於
是感慨曰爾意至不薄矣而責報甚廉而殆非
今人也竟以故青青其衿至今稱斑竹童生又

有一事酷相類山西某別駕滇人也以馬市來
吳停舟京口見金山寺一老僧搖櫓送鼓柁曰
好人好人酬之一金亡何北固山僧送菜合掌
贊嘆酬之如初未幾諸山移樽疊而來者趾相
錯于路舟橫于叢葦之中也搖手曰好人何其
多遂解維而去會墅嶺左太平蓋多巨竹

荆溪二十一洞記憶

石磬洞如雲亂飛中懸一石擊之磬也 三珠
洞在其傍玉女潭潭水澄綠煙樹蒼茫樹根如
石蹲枝葉皆成峰巒獨孤及日日思瓊樹卽此
龍湫洞可舟舟敗僵臥一望杳杳或云可十
里兩崖一壑 白蛇洞白蛇啣茶古詩翻使山
僧怨白蛇我不任怨 白鹿洞洞口有田旱則
禱而泉出以厚斗從詘然一聲卽止 棋盤洞
懸一線天天然布棋行步時作棋聲 白鶴洞

口極隘以屨先兩人掖其首入洞水深一二尺
石倒垂如千葉蓮及爲藥爲房不可計水深處
一大士危坐僧與僕皆不能從 大成洞近洞
一楮甚大藤抱等入洞數武絕澗劈開懸二尺
高下渾滑各矗一石僅屨又數武左峯右窪一
石劒橫側足行稍前劒橫其腹稍下傾過此臥
一大石洞口老人曰下有秘書曾手揆其鑰獨
石爲關肩而上有金山雪山山足微黑似艸樹
蒙茸出登一最高處陟數險級一大士玉立侍

從皆玉結爲蓋垂纓絡亦玉凡洞之妙莫奇於
頂或天風海濤或嵯岬古木或錦鱗蒼蘚此洞
竟莫能名高而峻也歷盡險阻出洞猶怖者數
日仙橋洞夾峙如空中行走洞有龍日夜鳴
倚水中石聽之大抵荆溪洞最深處卽有一龍
穴焉不敢窺矣天窟洞佛耳洞記得一石兩
穿雙懸日月未知何洞張公洞從後門入洞
口下上皆鬼道有如青驢跡者曰張仙人騎也
仙之堂曰前曰後仙之房曰左曰右堂前簾數

重珠垂乳自頂倒垂自地壁立相去者或尺或寸其象似家堂似燕巢似執笏似受詔似拜昂似立鳥不可舉所過僊廚仙床周以雕闌鋪以繡被此東仙房之奇仙人硯一石數形各有勺水仙人浴具巾幕寶塔七層此西仙房之奇石根迸裂忽開一天琪樹四鬱有許用晦洞靈觀冬青樹詩洞之前門高崗一望平湖萬頃矣天申宮旁一石摩之皆桂香 善權洞口古柏數行如鐵殿無梁柱有雷書可醫癖

殿柱間俱火筆倒書一曰

史米漢謝鈞記一日史米漢謝鈞之記溪五分鐘部筆訪於唐殿旁一石分兩水一似瀑布一似珠簾不知水何來洞頂若虬龍至高處水沸如雷不見水次晨行里許石級而下洞門弘奧如架天作橋五六有一雪簑達磨最特鹽房米廩仙田絕似畝畝疆畫洞底皆水砰礚甚乃知沸如雷卽其頂之上名旱洞此稱大水洞而殿旁一石兩分之水卽從此出名小水洞者也山有九峰狀如九斗曰九斗壇金鵝洞近洗腸池亦法師迹也君陽洞從平

地觀之百尺之上皆潑水形知爲蛟跡 品洞

大成一白鶴二張公三善權四 大成仙家與

室張公仙家花園白鶴仙家池沼 玉女潭如

美人臨鏡尤愛瓊樹終日不能去記得摩娑其

下月色皎然

時維九月

湖汶鎮初覓輿人一駭而

力驍醉能拔屋及執輿甚恭凡奇險處皆得其

力天申宮敏上人酒猛飛渡如猿猱然 余遊

西洞庭累月顧其靈詭處恐不逮荆溪余所知

二十一洞

已忘三四

其餘環山皆洞也不能悉數之

矣 諸洞相去有三四里有遠至七八十里所
過琅玕夾道常數里溪水如畫 敏上人以太
成洞怖余余以獨遊白鶴洞過之上人讚服不
已 敏上人遊興極捷所以不能入峯洞口蓋洞
府水洞門狹深數丈數十年絕無人跡矣
玉女潭僧寒儉不能飯治山花一盂雅稱其潭
張公洞僧僅存米七合白酒一壺相與忍飢危
坐竟夜遊洞無可記其佳處曰怪其極佳處曰
極怪而已記者紛紛都可廢也山水人物一一
現成遊人觸之爲添一欬笑耳

荆溪小說緣起

鼠窟洞記都盡而說猶有存者

余一日自芙蓉寺上銅官抵自然菴晚矣將宿南岳蓋十里已過其半虎大吼且逼從行皆恐又黃昏無月虎愈吼不能步忽一人持刀下益怖徐察之乃捍虎者耳其人勞苦余返自然菴作七十二小說一夜聞麀鹿無雜聲次日過南岳僧指點虎吼處在兩山之界行者必趨與爭只尺及南岳訪洗腸池池故法師剗腸自洗以服虎者也初上銅官山步行二十餘里如

龍脊上走又攝於虎銅官絕頂卽樵牧不至袁
府君墓俗傳漢時天葬銅官處此山初見二九
次百二十竇出又繼太湖如杯水湖上諸峰如
鳥影數十仞之山匍匐伏

說義興郡

義興城今縣治漢名陽羨至晉永嘉以周玘頻
興義兵三定江南分陽羨臨津國山義興永世
平陵六縣立義興郡統之表玘功也移陽羨於
君山下以今縣治爲義興郡唐以郡爲州縣而

君山陽羨廢有臨津城國山城義鄉城宋改屬
長興永世城宋屬丹陽今屬溧陽平陵城亦在
溧陽綏安城屬長興蓋長城凡七許有穀詩幾
處城荒舊堞崩春山那復想平陵只今雖有長
橋月猶付前人說義興陽羨館舊名迎華驛
在長橋北南臨荆溪唐張祐次荆溪呈崔明府
詩云艤舟陽羨館謂迎華驛也亦名荆溪館唐
嚴維宿荆溪館呈丘明詩宋紹定初令趙與慈
因取祐詩改驛爲陽羨館後名西館驛

說長橋

王公升長橋攷長橋在縣治前初創自漢袁府
君卽斬蛟之所徐鉉長橋記對縣樓而直出跨
荆溪而橫絕陽羨治所更六朝以還爲郡爲州
爲守禦之治改易不常而橋之虹亘恒於故處
元豐二年火四年令褚理昂新名曰忻濟蘇子
大書其榜曰晉平西將軍周孝侯斬蛟之橋仍
旁寫李贇皇長橋詩刻石道左崇寧禁錮禍作
沈其石於溪水或因唐李華賦此橋詩有雲雨

生泉窟雷霆落劍鋒之句似不類今日遂疑茲
橋非古此不察荆溪廣狹今管異也荆溪獨橋
南一路可通車馬橋自西迤東渺茫烟水今東
關潭最其深處蛟疑窟於斯孫權始築陽羨城
周遭才一里九十步僅包縣治而已管水大而
城小今水小而城大蛟橋風景安得不改 白
珽題斬蛟橋詩云蘇公百世士豪氣有相似洎
舟蛟川下洗石題所以平生嫉惡意十有二言
裏指蘇榜言也 長橋下舊有白獺若出穴四

望而嘯則爲兵兆神而祠之今廢

說山水

義興山長水遠余今所存者鼠之穴也十忘其三矣

山姥山

縣西六十五里

漢封蔣澄爲山亭侯因家焉朱

子贈山廵檢詩

國山名離墨山

縣西南五十里

孫吳

時大石自立又有石裂十餘丈皓封之改名國

山立石頌其形鼓篆文遶南岳山

縣西南十五里

孫皓

旣封國山遂禪此山爲南岳取漢武移衡祭騰

霍之義卽古陽羨採茶處循南岳而上十餘里

爲銅棺山卽君山袁府君天降銅棺處也一曰

山產銅曰銅官

龍池山

縣西南七十里

峭壁千尺有

伏虎石分賓亭凌雲閣一源巖龍湫石雞冠石

白雲巖有上菴中菴旁有龍池池多蜥蜴又二

里曰下菴

余游雨晨起將陟又雨

荆川記自龍池出徃

石屑二山夾澗山高百餘仞澗道濶四五十步

人家緣澗以居唯亭午見日色從西霞可入舟

石山

縣東南二十里

晉司馬時有大蛟孕子剖其殼

可容三斗嵌空成穴長流溉田山有水洞願

山

縣南三十里

忻溪後百餘步陸希聲隱居此山東

走震澤有魚象

太湖山有金雞墩有洞沈驪

詩太湖西擁大湖山萬丈青蓮一水環楚山與

大湖山亘而西

蘭山

縣東南五十里

山有石麓東入

太湖五里隨水盈縮以爲隱見子山在其西北

趙孟頫詩弁山橫雨外笠澤湧天東 甌山卽

君山一枝

縣西南二十五里

其形甌雲騰若炊梁蕭子

雲詩次寥晚霖霽重疊晴雲深庾肩吾詩寒雲

間石起秋葉下山飛

烟山

縣西南五十里

諸峰環峙

西碧雲南羅漢北雞籠東紫雲上有漁磯下臨

溪谷孫堅常釣於此

章山

縣西南七十里

近沸泉武

花二山連亘蜀山屹然特立原名獨山蘇文忠

公愛其風景類蜀故名有書院望見太湖銅官

諸山如列大屏金鵝山計山東北相連屬笱

有金鵝飛集此山唐改義興爲鵝州取此陽

山

縣東北三十五里

多縱石而有橫峴以承流上有

子隱試劍石兩膝着處皆窪

浮山

縣東北三十五里

兩峰對峙三面溪流環遶因爲浮峰蘸碧礪

山

縣西南九十里

自小心山連亘而起下有金泉礪承

小心山土如金流入慈烏溪張祐詩決水金沙

碧梯雲石壁虛

丁山

縣西南三十五里

或曰甯戚墓

孫觀艤舟詩宿烏來還去微泉咽復通 楊梅

嶺

縣西南二十里

昔產蜜楊梅郡以入貢任昉至謂其

病民奏革之

太湖

縣東四十五里

南踰蘭山抵薰塘

嶺入長興界北越竹山抵百瀆口分水墩入武

進界其占本縣東境者百里而遙屬七十四瀆

西連諸水下注三江以達於海 太湖最大者

二一自寧國建康等處入溧陽至長蕩湖并潤

州金壇延陵丹陽諸水會於宜興以入一自宣
歙天目諸山下杭之臨安餘杭湖之安吉武康
長興以入而皆由吳江分流入海惟寧國建康
因有東壩不注此矣詩云天邊時白鳥烟外忽
青山隔湖十縣北與武進縣中分南通荆溪
接溧陽金壇皆有湖姓者携龍殼歸地遂成湖
嘗遇烟霧或見蜃浮風浪湧洮湖縣西北郭
璞江賦云具區洮湖荆溪縣南二十步受溧陽金
壇諸流下注震澤荆溪山水之勝善權離墨銅

官諸山岡隴起伏具區匯其左茗雪引其前巖

維詩銅官之山溪水南周處廟前多夕嵐看捲

雲帆歌白苧勸嘗春酒破黃柑西溪一名西

九縣西關外廣德溧陽金壇諸山澗水匯此貫城繞

郭以下太湖其長幾三十里東溪一名東九

縣東關外西南諸山水從西來而下太湖匯此任昉

詩交柯溪易陰反景澄餘映許渾詩水寒深見

石松晚靜聞風湫溪縣東三里源出君山北入荆

溪水勢洄洑東瀉溪縣東南三十五里陸希聲顧山

錄謂山前百步衆流合而東任昉詩長溪水東
舍顧況詩家住義興東舍溪兩岍多藤花盛時
映水中青綠可愛故名罨畫溪一名蒙溪一名
五雲溪齊高祖詩披襟罨畫溪頭月獨孤及詩
萬峰蒼翠色雙溪清淺流許渾詩佛廟千巖裏
人家一島中

忻溪

縣西南四十五里

產水菖蒲兩溪

多石其土骨如石解縉詩翠禽啼處烟如織錦
籜裁來雪未消

逆沙溪

縣西六十里

出山山入白

雲徑高直詩風急長帆投極浦日斜一鴈下平

沙 后袁河縣西南二里袁令開以避西溪之險

閃溪河縣西北三里林御史浚以避西九 通澤河

縣東二里馮令避東九之險西接荆溪東連震澤

單鰲水利書自蕪湖溧陽伍堰達吳江猶人之

一身伍堰爲首荆溪爲咽百瀆爲心震澤爲腹

旁通震澤衆瀆則脉絡衆竅也吳江則足也今

上廢五堰之固而宣歙池九陽江之水不入蕪

湖反東注震澤下又有吳江所之阻而震澤之

水積而不洩記云岳國君章雄麗峙於前都柯

陽計蜿蜒拱其後兩溪夾翼於肩脅百瀆分疏
於尾閭西北則洮瀾遠引乎三江東南則具區

震蕩乎二曜

寰宇記宜興山長水遠此一評

可作一部荆溪志李端詩

送宜興元少府

路長人返顧

草盡燕回飛張佑詩山暝水雲碧月涼烟樹青

長橋深夜影遠槽下溪聲皇甫冉詩

酬裴十四

舊國

想平陵春山滿陽羨

題高雲客舍

惟將山與水處處

諧真賞

三月三日同義興李明府泛舟

處處藝蘭春浦綠萋萋

藉草遠山多

送蔣逸人歸義興

長帶溪沙淺時因山雨

溪皆可誦也若姚舍詩

送喻校書歸陽羨

山春烟樹衆

江晚遠帆疎孫覲詩

題溪亭

雲蘿屬地青霞帔雨

萊填溝赤岍錢方干詩

贈向諱隱居陽羨

竿底細鱗輸

釣伴花邊白犬吠黃鶯李嘉佑詩淺溪通野水

綠茗滿春山王昌齡東溪翫月澄清入幽夢影

破抱空巒白居易送李較書寒食歸義興山居

到舍將何作寒食滿船唯載樹陰歸趙孟頫詩

初日出雲光射地雙溪入湖波接天若太白綠

冰清以閒白雲有時來句可謂遊過荆溪數遍

也方逢時義興八景有序云壯年奇趣消磨
漸盡追憶舊遊慚無惠政而佳山佳水自知無
恙也八景曰龍池夏雲蛟橋秋月泝瀾雪簑國
山烟寺陽羨茶泉畫溪花浪玉潭凝碧銅峯疊
翠

說長吏

袁玘東漢會稽人爲陽羨長生而神靈能逆知
水旱而預爲之備無疾卒於官墓君山巔災沴
輒禱境內多虎患邑令趙興抵至未幾卽空其

群旁邑之害亦息浸塘劉宰爲賦殺虎行以遺
觀風者 袁道成化間令知民苦西九風波乃
循九之南鑿夾河起土千至泝洲延袤三十餘
里名曰後袁河魏前漢令玘也 任昉泛溪有
絕物甘離群句固以名其村 離羣村 李堅詩好風
吹句落烟邨便作棠陰記使君昉爲太守禁產
子不舉及代維絹七疋米五包釣臺西溪濱外
政暇垂釣焉訪到洽於田舍 桓玄嘗登高望
震澤嘆曰父爲九州伯兒爲五湖長遂棄官歸

志又稱其爲義興太守鬱鬱不樂太白從孫
李銘宰義興白贈行詩落筆生綺綉操刀振風
雷余按詩雪會稽耻奔宛陵道忠義憤然其曰
能文變風俗好客留軒蓋賢吏也郡守陳密
學襄墓在箬山去郡後卒墓於此孫莘老誌其
墓邦人德之州縣歲時遣祭淳祐八年郡守李
迪爲文屬令丞修上塚禮今廢祠之學宮

說風俗

朱元晦詩歲稔村村樂官閒事事宜又云縣人

學子知所向慕東坡云地褊俗險舊志云界
不遠遊婦女不交易士夫不衣文綉不乘輿馬
皇甫冉詩風俗猶傳晉永和正德邑邑宜興
仕而歸者十一人城東孝侯祠有崇丘茂林
池廣陂副使邵公寶面丘作堂環以樓閣與諸
老觴咏其間王文恪公過而歎焉

說古蹟

青箱雜記載南塘徐鉉至義興讀漢太尉許
碑其陰有八字云談馬彌畢王田數七莫曉其

古鉉云此謂許碑重立也 泚洲浦中有漳浦
亭晉以爲周扎封邑許有穀詩勲名常帶一溪
橫 李司空山房在善權寺司空名嶺嘗於此
肄業後李魯伯李綱相繼寓此皆李姓寺有三
生堂李刺史玉潭莊卽玉女潭刺史名戡唐渤
海恭王之孫登進士第拜刺史終隱於此 蔣
三舍在縣西泚洲浦中址尚存宣和間張寶文
彥智遇風寄宿題詩云兩岼更無通步路四時
常有避風船 乾元初有三到亭大毓禪師常

此駐錫與龐居士問答宋紹興八年了禪師爲
記有龐居士三到斯山之語 到氏查林洽漑
兄弟居太守偕遊曰蘭臺聚 邊莊南唐封域
止此屯戍守之一名石門 茶舍舊在晁壽溪
南莊蔣頴叔置義田處 東坡別業在潞湖塘
頭

說茶

唐御史李棲筠守常州山僧獻陽羨茶會客嘗
之野人陸羽以爲芬香冠絕他境可薦尚方遂

置茶舍歲進萬兩可惜此茶恰遇此客顧況居
茶舍詩家住義興東舍溪溪邊莎草雨無泥

李嘉佑送陸士倫之宜興詩淺溪通野水綠茗
滿春山張籍茶嶺詩紫芽連白蕊初向嶺頭生
唐歲貢陽羨茶萬兩元貢薦新茶九十觔歲貢
金字末茶一千觔茶芽四百一十觔 國朝薦
新細芽茶一百觔續郡志云洪武十年歲貢芽
茶四十觔葉茶一萬三千觔今每歲止進芽茶
八十觔南京禮部二十觔白蛇之怨吾知免矣

西石亭產梅

石亭

陳克詩石亭梅花落如積金

閱武林誌宋大內植梅二本其一本來自張公洞絕佳保安禪寺殿前垂栢連數抱而中剖

余觀龍池老幹焦燒肌理盡裂大成洞老藤擁擇圓抱如一再宿玉女潭飲獨孤及日日思瓊樹下根爲石如寒崖積雪獸之屬虎豹鹿麀麕狐狸兔野豬蝟獼猴

說怪異

毛萇游張公洞自洞穴而入至洞底東至太湖
中洞庭山得石穴而出山上有毛公洞有毛壇
鍊丹井萇自言洞中東行聞頂上有風波聲及
舟人語 姚生常遊張公洞乘燧而入遇二道
士對奕指青泥數塊啖之咀嚼芳馨道士曰可
去矣懷其所餘出遇賈胡驚曰此龍食也 申
屠有涯携一磁瓶自吳遊楚脫衣附舟飲酒大
吐衆逐之有涯曰風雪如此棄我何之挈瓶登
岼躍入瓶 乾符中王氏女居湖沒桂巖山不

嫁一日微疾題詩而去及舉棺甚輕啓之存履而已 洗腸師開元間築菴南嶽忽膝間聞嬰兒聲下山得婺婦與偶生二子一日晨炊俾復進羹妻辭以盡曰非羹盡乃緣盡也復取衣錫歸菴衆僧不納師偕二虎與衆決去留衆懼請止師乃剖腹出腸洗之有洗腸池 負鵝者遇一書生云足痛求寄鵝籠去許之與雙鵝並坐負之亦不覺其重前至大樹下乃辭去 冲寂觀故陶選宅并有白兔升天因捨爲觀真人插

蘆於地枯蘆成葦曰會真菴 唐道士許堅題
於壁浴漏湖凌波而去 宋一縣吏家臨荆溪
得白螺自縣歸見飲膳備具螺化婦 劉商彭
城人第進士歷尚書郎性冲淡以病免至廣陵
遇異人授藥九粒如粟食之不飢渡江遊茅山
至義興訪張公洞晷畫溪極愛賞遂隱湖沒渚
後樵者見之曰我劉郎中也莫知所終

說人物

徐鍇周將軍廟記君字子隱義興陽羨人晉鄱

陽太守魴之子少斯弛任俠嘗感父老之言以
南山之虎長橋之蛟并已爲三害於是入山殺
獸旣而搏蛟浮沉三日竟斷之而出入吳尋二
陸師之暮年州府交辟及居近侍糾劾不避寵
戚梁王彤違法君深文按之齊萬年反權臣惡
君之強直以君討之及六陌之役梁王爲帥軍
人未食彤促令進絕其後繼君自知必敗賦詩
曰去去世事已策馬觀西戎藜藿甘梁黍期之
克令終言畢遂戰自旦至暮斬首萬計絃絕援

窮歿焉 周廟古碑刻平原內史陸機譔右軍
王羲之書有疑贗者史言力戰死元康七年正
月碑載九年奄捐館舍史言成都王殺陸機機
歿十七載而爲此文史三子碑四子史年五十
六碑年六十二他情事多不類永叔以爲弘景
筆 射虎亭子隱射白額虎處斷蛟曝皮俗稱
餘波渰焉 宋元祐初沈諲夜夢周侯語曰雀
汚我耳汝爲拭之吾賜汝一指力及旦往視果
與夢符諲以布拭自此勇抗百夫宣和間盜犯

境神叱曰我平西將軍也盜遂去適嘉靖海寇
戒嚴侯墓去地數丈有飛虫成團儼如旗幟搖
拽樹杪國朝洪武詔去舊號題袁木主曰漢
陽羨長袁公之神題周木主曰晉平西將軍周
孝侯之神建炎庚戌虜寇常州是年春巨賊
郭佑等犯宜興岳王提兵過金沙寺題壁云余
駐大兵荆溪陪僧寮謁金仙徘徊少憩遂擁鐵
騎千餘長驅而逝異日復三關迎二聖使我宋
中興得勒金石重過此豈不快哉其後矯詔殺

王子雲亦棄市次子霖自九江之宜興邑父老

相與置田宅以居之

乃知沅坡字於荆溪非荆溪父老

家於邑

之唐門沈周詩長林高塚空山裏風雨時時聞
甲兵今人類知滿江紅一詞而建炎數語固宜
碑之銅官絕頂以屬袁府君 姚峇德祐元年
家居宜興適元兵圍常州守趙興鑑遁州人王
良臣等以城降峇與陳炤等謀起民兵二萬力
戰死有僧莫謙之亦起死之 元孽梁王據雲
南學士王禕歿之 高皇帝再遣吳雲持節招

撫旣至伏節死弘治戊午詔令雲南與王忠文
禕並祀謚忠節額曰二忠祠鄉人復舉祀於鄉
賢又與同邑循述並祀亦曰二忠祠潘子安詩
青山恨塞豺狼道白日忠懸虎豹關壯士自期
頭可斫孤臣誰信骨能還 吳寬詩早知斯世
爲臣義不負中朝出使才辨髮肯來胡俗變戴
頭直向虜前回謝遷詩海上不還蘇武節粵南
空賜尉佗書冷宗元詩老臣仗節使滇雲赤手
能扛鼎萬勛陽羨春鵬啼往恨楚江夜鶴認孤

墳擒夷諸葛人難料罵賊張巡帝亦聞頭上青

天公道在明時雨露桂芳芬

右忠節

許武字季長太守第五倫舉孝廉武欲成二弟
晏普名乃析貲爲三自取膏腴二弟皆瘠少鄉
人鄙稱其弟晏普並得舉選武泣謂宗婣曰向
以二弟年少未預榮祿故分財取譏今殖產數
倍悉推二弟無所留許荆爲郡功曹兄子世
常報仇殺人怨者操兵攻之荆出跪曰兄一子
爲嗣死卽滅絕願殺身代之怨者扶荆起曰許

祿郡中稱賢吾何敢犯遂委去太守黃兢舉
廉和帝時稍遷桂陽太守嘗行春來陽縣有兄
弟訟財荆上書自劾後皆感悟 吳達嫂亡傭
直給喪從弟欽伯以歲飢夫婦被畧達自有田
數畝鬻贖之郡命爲主簿避其兄又以先世舊
田讓族弟弟亦不受棄爲閒田建元三年詔表
其閭 陳玄子四世同居一門百有七十餘人
建元三年廉使上其事詔表其門仍蠲租賦孝友
唐薛登天 壽中累遷補闕時選舉濫甚上

疏武后不納僧慧範佑太平公主勢奪民邸登
劾奏反爲主所構出岐州刺史 王安石當國

司馬公極論新法之害一日語邵材曰劾去司

馬大官可立待材毅然曰君實正人也可厚誣

之乎安石艱然卽自劾歸

右正直

唐蔣洙與弟

渙並舉進士洙官至尚書左丞歷官鴻臚卿日

本使者嘗遺渙金帛不受唯取箋一幅爲書以

諭其副

吳王由歲薦入國學任戶部主事權

課淮上雖族姓親故弟船往來毫無徇縱卒於

官旅襯歸蕭然破簾而已敝廬三間兄弟共處
李庭芝嘗同業師許恒應南試恒暴仆闌中庭
芝哀慟卽投卷負其屍出累官平樂知府致仕
家徒壁立立妻子饑寒李應禎過荆溪訪之時方
踞爐煨芋相對話舊埃熟啖之而去邵天和正
德初繇庶吉士授吏科給事中時劉瑾竊政連
差勘問外官事比復命瑾怒其不株參不納
萌啣之嗾山西查盤張御史劾其受平陽府餽
爲民瑾誅事白復符丞使所至以清白稱卒於

官察案爲發其囊僅銀三錢

右廉

單錫常修本

邑風土記傳於世蘇軾愛其賢以女兄之子妻之來宜興每寓其家單錫錫之弟嘉祐四年

進士嘗著吳中水利書書成蘇軾錄進於朝不

果行遂隱居不仕

右文

張秉時顧劭號知人

一見遂友之劭爲豫章太守瀕行從者百數人

秉疾劭辭曰張仲節以疾不克來當與別諸公

李少俟

右行

馮處士

失其

曹唐有贈南嶽馮

處士詩二首云白石溪邊自結廬風泉滿院稱

山居鳥啼深樹斷靈藥花落閒
牕看道書烟嵐晚過綠裘濕
水月夜明山舍虛支頤冷笑
緣客出終日王門強曳裾
寂寥深木閉烟霞洞裏
相知有幾家笑看潭魚吹水沫
醉噴溪鹿喫焦花穿厨歷歷
泉聲細繞屋悠悠樹影斜
夜靜看灰封釜竈自添文武
養丹砂

蔣逸人

失其名

甫冉送蔣逸人歸義興詩云驚湍流不極野渡
識雲岑長帶溪沙淺時因山雨深方同七里路
更逐五湖心揭厲朝將夕潺湲古望今花源若

許到雖遠亦相尋 陶詳較書隱居陽羨方干

贈詩云芸香署裏從容步陽羨山中笑傲情竿

底細鱗輸釣伴花邊白犬吠流鶯 宋王克嶷

隱居不仕王安石贈詩二首云荒村日午未開

門雨後餘花滿地存世上但能旌隱德無人知

道是王孫童子穿雲晚未歸誰收松下着殘棋

先生醉臥松花裏春去人間總不知 元簿幼

業進士輒棄去自號耘軒有歲後書懷云他鄉

故鄉老若此新歲舊歲窮依然烹茶但有二升

水沽酒初無三百錢

右隱逸

到洽彭城武原公

觀世方亂拒薦不就隱陽羨幽居積歲任昉嘗
訪洽於田舍見之嘆曰此子目下無雙 薛武

河中寶鼎人客陽羨山中四十餘年不仕觀察
使李衡辟署幕三返乃應多吏蹟 杜牧京兆
萬年殖產陽羨因卜居焉有贈李侍郎詩并序
序 李侍郎於陽羨里富有泉石牧亦於陽羨
粗有薄產敘舊述懷因獻長句四韻冥鴻不
非無意塞馬歸來是偶然紫綬公卿今故曠白

頭郎吏尚留連終南山下拋泉洞陽羨溪中買
釣船欲與明公操履杖願聞歸去是何年 李
幼卿大曆間以右庶子官守滁州嘗於義興王
潭作山居與獨孤及屢有倡酬陸勲常寓義興
李郢秋晚寄題陸勲較書義興禪居詩有薛房
聖架掩山砌石盆欹句 陸希聲相昭宗避亂
隱陽羨湖沒名其山曰願山著願山錄及山居
二十七詠蔣穎叔題其宅詩有云二十四亭蕪
沒盡溪邊猶有故時橋有山居卽事一首云君

山蒼翠接天冥東走江湖上洞庭茅屋向陽梳
白髮竹牕深夜誦丹經湧泉回汰魚龍氣怪石
驚騰鳥獸形爲問前時金馬客此間還作少微
星皇甫冉丹陽人天寶中登進士調無錫尉
避亂居陽羨歸陽羨兼送劉八詩湖上歸航別
江南謫宦歸前程行更遠臨水淚沾衣雲夢春
生遍瀟湘客過稀武陵招我隱歲晚向柴扉酬
裴十四淮海每聯翩三年方一見素心終不易
玄髮何須變舊國想平陵春山滿陽羨隣雞莫

遠唱其惜良夜晏 高陽寓陽羨皇甫冉題其
客舍詩云吳國滯風烟中陵延夢想惟將山與
水處處諧真賞 顧況姑蘇人嘗居義興茶舍
有贈僧詩云家住義興東舍溪溪邊莎草雨無
泥上人一向心入定春鳥年年空自啼 孫泰
山陽人嘗以二十萬錢置別業於陽羨俾原主
他徙一老嫗哭甚哀泰憮然卽以所居還之
東坡與蔣之奇同第宴瓊林日坐相接爲說荆
溪山水坡公心動邑人單錫同年進士軾以錫

女妻之屬置田夫求田問舍且在瓊林宴上坡
固不妨後謫黃州移臨汝上章乞居陽羨嘗託
邵民瞻買宅聞姬哭而折券自是不復問舍寓
顧塘橋孫氏之舍而歿噫子瞻巧於買山之奇
巧於卜隣單錫巧於娶嬭邵民瞻巧於居間顧
氏巧於居停乃姬亦奇姬也豈卽向孫山陽哭
者耶山陽孫泰以二十萬錢置義興別業聞姬哭而還之公題吾來陽羨
入荆溪意思豁然殊快平生之欲逝將歸老逸
少云我卒當以樂死其言矣吾性好種植能手自

接菓木尤好栽橘陽羨在洞庭上柑橘載至易
得當買一小園種柑橘三百本屈原作楚頌吾
園若成當作一亭名之曰楚頌數語便是一幅
荆溪好山水菩薩蠻詞買田陽羨吾將老從初
只爲溪山好來往一虛舟聊同造物遊有書仍
懶著且復歌歸去筋力不辭詩要須風雨時噫
從初只爲溪山好却只是信得蔣先生一席話
蒙恩放歸陽羨作滿庭芳一篇歸去來兮清溪
無底上有千仞嵯峨畫樓東畔天遠夕陽多老

去君恩未報空回首彈鋏悲歌船頭轉長風萬
里歸馬駐平陂無何何處是銀潢盡處天女停
梭問何事人間久戲風波顧謂回來稚子應爛
汝腰下長柯青衫破群仙笑我千縷桂烟簑余
謂荆溪前人寄題多不似如清溪無底天遠夕
陽多何可多得望湖詩西風片帆急暮靄一山
孤又云岷峨家萬里投老得歸無笑謂投荒萬
里卜居萬里要他煩惱除是無山水處荆溪
寫景鳳栖梧桐山秀芙蓉溪明晷畫直遊洞穴

滄波下臨風慨想斬蛟人長橋千載猶橫跨解
佩投簪求田問舍黃雞白酒漁樵社元龍非復
少時豪耳根洗盡功名話嗟乎子瞻胸中亦有
功名兩字礪山長泉詩不能濟世人沉沉味寒
碧元豐七年艤舟慶源亭有求書者既作數紙
題其後云早發宜興飲酒一杯醺然至醉置拳
几上垂頭而寢不知舟出門外泊於慶源周必
大題橋頌帖元豐九月抵宜興十月六日寫此
帖聞通真觀側郭知訓提舉宅卽公所館不知

凡留幾日也噫買田未了賃居未了作亭未了
臨風慨想斬蛟人君恩未報如何了徐溥跋
東坡手書吾鄉山水佳勝昔蘇文忠公愛而居
之故其名益著公之居此其事特見於文集與
郡志中至訪其手蹟僅有所題斬蛟橋八字而
已若此種橋一帖乃長洲李應禎携以示予者
竊喜此爲陽羨故事也遂用摹刻於石蜀風
左縣西北四十五里韋莊蜀程記云至寶雞縣過三疊坂
田疇村落酷似義興境物因名蜀風李堅詩勿

訝韋郎誇酷似情知蘇子賦歸來 杜牧之詩

贈李侍郎

陽羨溪中買釣船序云侍郎於陽羨里富

泉石牧亦粗有薄產又云義興近有水榭予謂
陽羨尺水片石可珍卽一艸一木一厘一畝亦
可珍邵二泉憶西涯有卜居宜興詩相州未得
歸韓老汝穎猶堪塋長公 孫觀晉陵人宋大
觀三年進士累官至尚書既塋父於龜潭觀亦
葬此龜潭詩歲歲來尋壘盡春看山弄水意常
新不知流水今何處只有青山是故人 王居

正建炎初自江都徙居時秦檜專權公在溫
年亟以疾請辭歸陽羨初正爲舉子時耻用王
氏說旣第常著三經辨說 胡松年海州人紹
興初奉祠居陽羨之言村築室曰橫山孫覲題
波間指點見青紅雪脊嶒稜倚半空幻出生綃
三四幅遊人渾作畫圖中 呂祖泰河南人寓
居義興嘉泰元年進士論韓侂胄陳自强蘇師
旦周均書出中外大駭杖決流欽州就逮不懼
京尹受侂胄計誘之曰誰教汝共爲草者不答

曰汝病風喪心耶曰以我觀之今之附韓氏得
美官者皆病風喪心也 蘇庠丹陽人幼爲清
江引詞蘇文忠公見而奇之客居陽羨號後湖
居士 慕容暉父唯良領常州刺史因家陽羨
居有雙楠軒聳立如蓋與蘇文忠公遊日爲雙
楠居士蘇子題雙楠軒南軒前頭兩佳水先生
撫翫常不足尤愛薰風五月初白銀花開光照
屋 汪藻鄱陽人壻於宜興莊氏愛溪山之勝
因卜居焉 周必大江西人封益國公自號平

辛酉浙游

三月十二日練市月古樹啼鳥席於樹下聽鳥
歌進酒歌數闋酒酣起舞天將明鳥聲送之半
里

右一

武林初五日褚家塘火火二日沿門萬三千渡
江一瞽叟云是日江頭異風作三晝夜乃止

右二

十四晚步湧金扣小榼水活憇昭慶寺沽酒段

橋沉沉夜色如霜有巨艦沉於雪如玉之顏絲
六橋穿湖心得月客曰和靖不云乎濃抹淡粧
臨鏡臺諸人者都不掉頭只管傳杯議之也余
曰不然除却只管傳杯更有何事卽用四字傳
三十五杯逕上柳州亭

右三

十五日渡江江頭競渡中流微鼓浪花平十八
九時六渡錢塘先嚴自暨浦來崇暨浦父老哭
聲亂江上之濤今祀於崇矣若耶蘋藻亦復不

絕

右四

過江雷電大作西興粧亭古跡西施嫁而粧也
少憇汲六眼井水憶長洲江候遺先嚴手牘云
西施美人生於諸暨嫁於長洲二百年來香魂
當往來兩國間我二人皆以簿書失此良緣殊
可尋味西興古西陵渡錢鏐王易之

右五

西興買渡水樹爭綠溪溪如畫樹榮以古藤凡

五里風雨欲來急登岳廟江濛濛不辨其南山
霽處江迤出亘數百里產蓴絲似小荷翻雨絲
絲軟美肌理甘膩齒頰間作寒潭助以薑桂使
冷烈攪以甜蜜兒女情濃產不踰境味不踰宿
或爲語曰西施已嫁之花也蓴菜未嫁之菜也
莊亭六眼井通湘湖雨中過蕭山二浮屠有鶴
鳴其上

右六

從枕席過山水陶壺平遠逸曠而金簡玉字遙

付宛委山一夢昔人云不見蘭亭胸中猶有蕓
亭則余未至山陰時胸中已饒右軍數脚本矣

右七

高橋古木一本五大幹倒臥橋側入嚴村四山
圍抱山窮水盡忽山忽水忽山而又山水而又
水不知何道出何道止

右八

是日午睡甚酣夢延一相識劉君及予出迂又
疑非是方巾紫袍握予手登樓樓懸青織圖圖

之下盈數十軸異卉燦目與客談罷已到曹娥江口謁娥果一樓乍見額扁劉似夢及閱誠意劉青田碑記乃悟扁額之劉余年家尊行而青田先生之文應青織云山茶花垂數百年根如奇峯居人云有折取一花者其手自懸于樹勒石識戒兩廡畫娥相四十二幅悉如夢孝女泉最冽

右九

曹娥江以孝女名慈谿縣以董孝子黜名余試

漢娥碑及漢旌孝二詔如見古人以孝子故慈
其母兼慈其邑漢家宏遠夫孝子勤汲於遠樂
母嗜泉隣母以規其子隣子忿毆死董母孝子
初引刀斬之嘆曰豈有無母之子哉仇母旣死
又引刀斬之則曰子不竟服親之喪猶無子也
又三年始加刃自伏法原其罪孝則孝矣母旣
死矣故謚其邑以慈不以孝憐孝子也白孝子
也孰若娥與父長枕江心劬勞寤歌乘清下土
也歟哉

右十

據壁上圖曹父以端節戲潮死孝女年十四先割股聞矣初擲衣於江叩屍所泊抱父浮於江面岸旁晒之娥復投父於江負而起明有禮也娥旣死沿江盤旋再逆流而上其屍屍猶負元選姬嬪一姬禱於祠孝女爲改其容姬得幸予封

右十一

娥江手可招而渡山甚逼過梁湖予自錢塘渡

西興宦於浙者主家巧抽豐梁湖不聞有此

右十二

四更過上虞壩枕上乍聞鑼聲舉纜舟動漸浮
船底微吼吼不已如怒虎如悲驥人語雜竹索

右十三

曉過姚江中壩則立於岸水懸壩丈雙建表面
削其石挽者以索繫船尾三棹而首昂甫上石
與木憂木與舟憂底平首尾皆躍首止而尾三
掉長年雌伏遽從伏起持篙急下舟勢搖山疾

行如矢

右十四

浙東船圓爲覆方爲載余名曰混沌若無伏羲
一畫太極幾乎悶死推蓬展視義畫儼然四過
壩乃知混沌船之妙

右十五

姚江舊城倚龍泉山宋高宗幸而美其泉行一
日水寬平山委蛇波瀾宏濶四壩從下而上近
城九里謁宋石將軍廟將軍旗翼楊沂中破虜

暨贊我文皇帝親征沙漠吏茲土者有白馬
浮水錢清湧潮之異樟樹可數抱

右十六

舟泊天寧寺步寧波府前見太守一童生告示
大妙據呈一卷也而或稱姚以忠或稱姚以孝
忠孝豈能兩全某縣童生其出鬼入神乎不覺
失笑

右十七

步月湖微雨呼小舟上四明驛樓烟樹滿湖海

長四沙夾竹爲牆多置樓上可琴書下可舟楫
此墅彼祠賀知章一椽仍奉香火湖可乞飯登
延慶壽昌天封三寺延慶寺後入永巷忽有池
池後觀堂堂後方丈寂無人聲天封塔上定海
招寶如几案乃從日湖歸

右十八

夜將爲奉化之行余自入浙東評山水紹興關
鎖姚江平遠鄞奉化瑰瑋錯繡如絳霄天半起
伏萬重張帆趁潮尤愛風棚壩坊橋溫台孔道

蓋樓二十二間山四遠漁父立橋柱迎潮布網
右十九

宿沈家村雪竇茶笋佳次晨駕小艇二十里觀
金鍾塔岳林寺栢岳林晉佛涅槃地示寂柩已
在封山以袈裟乞居士地布袈六十畝居士曰
某塋域在此乃爲割袈一片化身入閩晉天福
寄書莆田令遺岳林寺僧自題曰彌勒真彌勒
化身千萬億是時現時人時人俱不識復自跋
云卽此是真不得更狀吾相然後知其彌勒也

差於殿中永樂現形稱奉化縣布袋和尚鑄像
送山始見水碓

右二十

途遇一人執余裾問云公何地上任曰非官也
看命麼曰不會然則何來曰看山水其人呵呵
曰這是一位堪輿先生了

右二十一

坐封山活佛道佛一僧云鴈蕩山石屏有龍鼻
左羅漢題詩以筆蘸鼻之一孔曰一筆點乾龍

鼻水方覓句俄見石屏裂開卽續曰等閒題被
石屏風今龍止一鼻滴水愛其言記之

右二十二

余在梁湖見主人質朴曰抽豐其少衰矣及到
奉化問主人安在梁夫人與令郎同聲荅云臨
海縣打抽豐去了

右二十三

立王尚書鈔牌下憶

世宗朝天下清官王鈔石簡忽聽其孫偕登官

山謁建文死節戴探花宗彛祠憶表化臨海鈴
鐸相聞方正學手可招戴公

右二十四

海味江瑤柱第一出奉化惟清明時有之大蚌
尖口其肉可鮮食次青鮑若寧波以來蛋徒即
魚鮮鱸鮮淡菜慘魚墨魚皆美時正盛

右二十五

自奉化登陸至臨海三嶺初桑隍嶺坦過嶺繼
珊虛嶺少峻嶺下海濱二石曰石孔山海之星

也而象山遙見漁人立海沙中布網海山晴霽
波爲不揚忽山高烟起乃峰頭火燃航炭於海
塔珠嶺額曰台東第一關四山陡絕奔如萬馬
下分田畛宛然深隍山鵲野蒲風飄異香

右二十六

所過甘溪橋十二寶橋皆勝入臨海有義井題
曰十族芳名隨正學千秋義骨聚重泉乃方正
學八百七十二義士瘞骨處也

右二十七

過江以來男子勤而女子不出闔地無遺利人
無遺力山頭亦種芋老僧亦荷鋤越是以多君
子也

右二十八

路逢一客云世間事無全美北方坑厠少生祠
多此中坑厠多生祠少此言有關吏治記之與
夫問余云科場文字如何做予曰有題目就做
文章與人曰若要文章字字在題目內真苦殺
人了此言有關作文并記之

右二十九

曉由西門禮正學先生祠

左祠

以文學余保孤

一以進士育孤二以寧縣尉藏孤者二以浙會
憲放孤遇難者一右祠四人同時同里死難諸
君子也龍山舊祠先生移而之城

右三十

出城有古岫嶺自午炊後入松門關渾如隔世
事略記得梁隆山雄奇望葛儒翁學士坪煉丹
井竈其下子孫居者萬計孤衍四十猶沿晉代

衣冠山澗廳至處水堆八九

右三十一

過江晴旋雨紹興雨鄞江雨奉化雨皆以舟繇
奉化抵崇法寺五嶺三過嶺而微雨就宿越明
日謁正學先生山雨欲來強止微風又晴

右三十二

初登松門嶺倒巖澗水白如雪聲如雷一峯起
一峯折一峯委蛇邪抱一峯欲落不落一峯驟
來海上躍半空步行五里如擁翠屏百里之內

擁玉京肘腋間遇隘石爲關飛鳥不窺俄焉絕
碧散爲村落題曰愛山真堪愛頂種竹萬竿新
矗龍孫皆雄老不可逼視路多虎跡遇斤竹嶺
老僧真源坐關余曰此謝康樂所游地也老僧
不識一字曰這謝康樂就是老先生姓名否山
頂有墓有田牛羊下來千仞之嶺爲畝爲澮墜
乎越之勤也獨苦竹山而已哉

右三十三

由斤竹嶺而下爲湧溪輿人云前有崇法寺臨

海天台乘傳至者多就館苦刈草秣馬詰朝徑去或竊其什物當事者特未之聞耳

右三十四

由湧溪上輿人競傳一里卽崇法寺余行半里絕無所見則指亂山頭樹木曰此卽寺矣本從深寺叢中左山圍蔽三折而上始牆牆之內寺寺而經堂而左樓居然一布金地初澗逕下乃砌而西出接竹灌田一聲清磬滿地香草池有四季竹又其上爲大樓溪云

右三十五

莫上天台路兩脚酸如醋村語也余不然山有
葛公妙僊菓也松門嶺有執雉以市者湧溪酒
亦不惡過嶺數里路皆精砌

右三十六

崇法寺而下岡巒隱伏澗流三十餘里其巨者
爲大樓溪時見山頭飛瀑數百丈或寂無聲或
憂憂不已慧明寺在焉抵縣將二十里平疇廣
衍至永清橋沿清溪市有筏以道府駐霞莊樓

正對赤城山呼酒與落霞共醉時三月十三日
初入天台路也

右三十七

次日步妙山山在邑之東祀張睢陽西峙學之
文峯或日色橫列街巷三段如乾卦像

右三十八

雨中在霞莊樓一無事事雜取游覽之所得者
記之

虞淳熙序方外志雲雨慈味笙簧道聲虎落時

開鹿柴不守笑司馬過橋之悔嗤阮客還家之
悲

屠隆序釋氏教宗自智者大師傳四明尊者爲
教觀禪宗自雪居韶國師授永明禪師爲宗門
五百應真化方廣寺彌陀一化現國清爲豐干
文殊普賢祠化現一爲寒山拾得一爲戒闇黎
周七娘仙宗帝命周靈王太子晉王桐栢宮後
劉晨阮肇採藥遇仙唐司馬子微隱此山受度
黃眉公宋張紫陽真人闡悟真之旨王逸少許

玄度輩從剡溪入此山采真焉

無盡序東晉曇猷棲神蕭梁定光顯主暨陳隋
智者立宗命教海內以爲指南

山頂對三辰當牛女分野上應三台西城記亦
云震旦天台石橋方廣寺五百羅漢居焉華嚴
云東南方有處名支提山有菩薩石天冠與諸
菩薩眷屬一千人常住其中支提卽塔惟東南
方有赤城其形如塔巔又有舍利寶塔卽赤城
爲天冠住處

自荊州南岳東至庾嶺北繞匡廬南盡羅浮東
則歐越抵武夷常山又爲水所分溪左浙西溪
右浙東過爛柯太末至括蒼起頂南支仙都石
門玉甌鴈蕩海門抱於台之東南北支金華屏
峙於台之北正東一支至大盆山一化爲玉山
一化爲天台玉山又爲兩支北支衍爲會稽秦
望蓋自九里坑發源至嵊縣出曹江東支過關
嶺復結爲天台若天姥有石城胚胎自萬年藤
公嶺發脈已爲仙人浪黃杜溪截住是天台西

北幹也開嶺過脉處北以黃杜南以左溪界水
極分明台山峻拔如海中巨浪陡然一躍纖悉
頓足前後結爲九大峯每升其嶺皆可數十里
如在平地山無背向四面如一山有八支八溪
爲界以華頂爲車軸山周遭如八重輪亦如八
葉覆蓮

赤城其南標石城其西固東蒼其脊四明其目
骨肉不偏形神俱妙

南門一支取華頂直道以南巖溪爲界自赤城

山 國清寺 金地道中 金地嶺 定光菴

真覺寺 佛隴大慈寺 太平寺 寒風關

長壽寺 文殊寺 西竺寺 察嶺

南門二支取華頂迂路以螺溪爲界 清心寺

傳教寺 螺溪道中 幽溪嶺 高明寺 清

涼寺址 螺螭潭 黃潭菴 聖蹟内外菴

東門一支取華頂直道槎溪爲界 慧明寺

槎溪道中 顧歡隱處 天封寺

東門二支取華頂仄徑以水溪爲界 王春山

斤竹嶺菴 彌陀菴 仰天湖道中

北門一支取華頂峻路以羅木溪爲界 澄深

寺 摘星嶺 大同寺

北門二支取華頂險以福溪爲界 金庭觀

福溪觀道中 慈聖寺 石梁橋 斷橋

西門一支取華頂迂路以開溪爲界 青浜

布水 玉女溪 瀑布寺 福勝觀 桐栢官

瓊臺 雙闕 護國寺 桃源

西門二左支以黃杜溪爲界 石城山 石佛

劉阮村 司馬海橋 金墅嶺 彩烟山 天

姥山 石梁道 僊人浪 應心泉

西門二右支以秀溪爲界 關嶺 白巖山

秀洪口 龍湫瀑布

西門二支直取華頂 萬年寺 鐵船湖 羅

漢嶺 通玄峯 香爐峯 華頂寺 華頂峯

二岐路一至會墅由小路上藤公嶺與萬年會
一至萬年過道人坑先往石梁至紫嶺頭會

徐大受賦張無夢結菴雙闕云大壑之心瓊臺

突起嵐光破綠狀如削瓜 石梁現光現花佛

隴見橋見嶺 東橫山台山之脚有新婦巖下
有石鴨相傳水打石鴨頭此地出公侯 九峯
山在瀑布寺前義之與支遁遊焉 蒼山鳴海
山吼必大雨 寒山子蛻於寒巖梵僧拾其骨
曰吾拾文殊舍利也龍鬚洞巖竇間散若亂髯
明巖寒山詩重巖我卜居鳥道絕人跡 寶
峯山產花乳石李德裕詩聞君采奇石驚斷赤
城霞朱林逋謝天台僧寄石詩斷石自何評枕
之懷赤城 華頂峯周一百里夏有積雪 蒸

餅峯在石梁北僧曇猷訪方廣寺有石如屏號
蒸餅 天台本東海島嶼獅子岩下有竅日初
出光入隙中謂之日窓 翠屏岩山勢中立如
案兩端畧起似展誥軸名展誥屏 石筍岩在
螺蛳潭上根入潭數十丈尖如筍如紫箬之將
解 關嶺宋令鄭至道去任邑人至此不忍捨
因留家焉羅漢嶺有巨杉大百圍凡供五百太
士集此嶺 赤城玉京洞許邁嘗居此與王羲
之書自天台山至臨海多金臺玉竇仙人芝草

其下有洞二百里魏真人所治吾宋暨唐天寶
嘗以日中星鳥望秩此山宋咸平天聖中屢投
金龍玉簡 宋景祐中僧明照見劉阮洞口金

橋跨水有二女戲水山元祐鄭令至邑夾岸植
桃數百本構亭浮杯 蓋竹洞宋憲使何偁夢
遊其中訪之不得 聖蹟石一石如僧履一石
如僧袂 五百羅漢泛海至此船與物皆化爲
石有覆船山 雷馬山有潭以縋懸挽至山半
又挽而下方到潭測 黃壇潭智者放螺處今

巨螺浮於渾之石筍每鳴吼有大風雨船湖
在羅漢嶺下以水寒不花昭慶院三井唐宋
嘗遣使投金龍白壁一井觸於尼而塞曇猷
洗腸處井邊生青韭仙人井飛流噴沫俱在赤
城上應心泉在萬年寺泉爲賀允中出苑中
自記放生池陳大建十年智者置亘百餘里
勅禁採捕紹興置放生池縣前五顯廟前有石
碑金錢池在赤城曇蘭誦經有神獻金錢傳
棄之池中就下爲田依崗爲地龍神窟宅風

雨無恒晴多則禾不秀雨多則稻少實故僧寺
第而僧德涼 大建七年智者初來宿石橋見

三人阜幘縫衣老僧

即定光

曰禪師若欲造寺由

下有皇太子寺基捨以仰給三國成一大勢力
人能起此寺寺若成國即清後將滅時爲官寺
基畫武因囑書貽晉王晉王命司馬王弘依圖
造寺創寺後開東宮後煬帝以智瑛啓定光見
夢於先師當呼爲國清寺後燬而重建柳公權
書大中國清之寺天台佛三字建炎重新之詔

易教爲禪禪教互爭寺僧相擊兩華亭萬工池
遂廢大慈寺所書虞世南華嚴經紹興中秦
檜盜去天封寺智者遇一老父告云師卜蓋
遇盤石可止遂結廬焉自號靈墟註涅槃經於
此萬年寺有親到堂取仁宗賜衣時如朕親
到寺語廣巖寺寺鑄鐘不就有老姬施一錢
投一錢冶中鐘成而錢宛然在焉曰貧婆鐘有
懷容羅漢真身高明寺智者講淨名經風忽
飄去杖錫行五里經憇此寺稱淨明堂名翻經

寧國寺智遠結廬每誦經羣鶴翔空紫雲覆
頂開巖寺梁普通三年異僧肇開此巖六瑞
繽紛如雪賜額天花尊者開巖院金地庵梁
大同初定光居之枯石數片爲招手石古語云
定光金地遙招手智者江陵暗點頭宿佛菴
在四顧坪佛樹僧居之張承粧五百像後有徒
掘得白磁瓶一并磚刻心經題沙門佛樹桐
栢宮永嘉元年征虜將軍沈約一千餘人棄官
乞爲道士居之唐肅宗景雲二年勅爲承禎置

觀五色雲見禁封內四十里無得樵採五里不
許遷葬醴泉愈疾道士徐靈府故居有黃雲覆
其上 福壽觀葛玄飛白書王右軍評其書如
鳥鵲勢塞上有三井洩爲瀑布有濺珠亭引瀑
布灌池塘刺史姚鵠建老君殿得玉簡上之刻
曰海水竭台山闕皇家寶祚無休歇詔付史館
宋天聖間遣中侍投金龍有布衣孟合附詩以
進嘉泰二年令丁大榮立碑刻習養之瀑於石
崖 晉曇猷釋者興寧中至天台山赤城有大

神居之言輒出宗遇一姬問途有投諸淵者飛
錫救之水立涸名乾溪坐禪猛虎數十蹲前誦
如故一虎獨睡以如意打虎頭問何不聽經皆
去大蛇競出大十圍舉頭向猷半日乃去後一
日神現形曰夏帝之子居此二千餘年今去寒
石矣猷行石橋橋斷聞空中聲曰後十年自當
來也乃憇一石室室中盡鳴屍猶平生義熙隱
士褚世標見師不朽其後欲觀者輒雲霧蔽之
梁定光姓許字靜照隱佛隴三十載迹晦道

明智者未至前二年預告山民曰大善智識當
來相就立種荳造醬編蒲爲蓆更起屋待之已
坐滅凡三瘞龍骨涌出後置殿乃已 隋普明
禪師依智者國清講堂狹小欲廣之俄而荊州
都督周季節施杉柱泛海而至章安在赤城忽
見師身十餘丈高出林表 明淨禪師山饑乞
飯遇群虎張口閉目若有饑狀淨以匙抄飯肉
其口中 周七娘夜臥普濟橋下每與戒公同
遊歌云笑殺愚癡漢營家無歇時四山若來後

妻子各分離與戒師同化口生蓮花有異僧歌
戒師文殊周婆普賢隨肩搭背萬世應傳

赤城國清狎虎如犬識其居數其齒僧謂余曰
今智者經行虎必出矣敬合掌賀余曰好事不
如無天王曹源二井泉色白而味冽問所謂堯
率臺更好亭新羅園噩夢堂塔銘古竺樓大半
蕩爲冷風嗟夫智者之於國清寺也以不見寺
成瞑目爲恨而詔命司馬王弘依圖勅造今數
經兵火舊觀未謝方其未至定光豫勅山民種

豈造營編蒲以待之群盜見神仗而不入白塔
因新刹而放光固有不滅者存今廢而爲古石
門萬松徑止觀亭也其蹟可攷也垂成而復廢
爲萬工池也其泉可滫也滫則雙澗匯而萬山
之水不泄也垂廢而可枝梧可鼎革爲天王殿
雨花亭也雙澗自螺溪源出龍湫過湫入放螺
處有巨礪水溢二丈戛於橋面中峯如飛鳳七
塔之上山關一面積土成崗樹樹合抱雄楓臥
於道路最奇者菩提印月謾謾長松鳴澗旁雙

松叅天鱗甲飛動 大松枝如天龍之伸臂墨
雲亂竅又一松方作虎蹲勢忽虺附道旁而上
其枝空中如舞貌垂百智者示現乎

象山龍射盲其一目龍怒而覆舟 招寶山氣
象宏濶國初守海不於象山而於定海 象山
似笳其海由寧波台州而環旋 高高翠微裡
遙見石梁橫蓋從新昌路入也不知者以爲謬
石笋有一峯每一重土外一重石溪中屹立
石笋上有兩尖如竹之未解箨者 樵徑三十

六盤皆用木渡 笋峯似小五泄一級一泄
天台可圖鴈蕩不可圖 天台唐詩多未入刻
者 山多藍鵲 金地嶺因霧重不見 龍湫
瀑甚長 華頂望諸山如海各溪不減長江
山如人面要取活意 看黃巖江流甚曲 寒
山拾得開山智者中興 山中並不見有山人
來 石碓臥松在國清瀑布下 啗蔗嶺竟至
縣 國清下雨山分一澗中流行數里過一橋
澗乃在左 尊菜不宜用鹽鹽則消其脂 瓊

臺下二三里甚妙

游馬鞍山記

子建怨詩願爲東北風吹我入君懷齊綈有將
心流影之句白也愁心遣寄夜郎嗟乎自古文
夫不得意空教風月一番忙癸丑春旣出長安
門雨桃花微酡霽山蒼然漠漠平沙暮烟欲直
距蘆溝橋五里慈雲庄老衲舉手招雨就宿月
出空庭踏月三更雨寂歷和長樂鐘吹殘夢晨
屏奚奴戒裝四十里外予與家仲款段行烟樹
襍曉吹遠峯如抹所至里爲築菴石代瓦鱗十

五里綠楊垂曳鄉心搖落坐酒家胡孔道良鄉
車馳轂擊間行小山夾路又五里至馬鞍山嶺
陟絕樹襟崖傾蔽日虧月憇永壽禪林疊嶂前
屏蜿蜒其右出盤磴青苔古色山果自落憇披
行逢歌者歌易水不許彈狹不許操燕趙女箏
瑟則浮白客恠之余曰兒女真英雄偽戒壇峙
殿左詢故故歲選律僧傳戒散法詔革四月八
日觀乎不女只且不士禿僧敗妓宣淫無憚猶
出少府錢謗法宜誅壇面山雙浮屠障之僅掌

其內天龍人鬼森侍明燈異香遠從諸番出婆
娑松下千霄交枝類偃蓋燕都異松三報國寺
高才勝人生綺谷家馬鞍秀岩阿潭拓寺老禪
揮塵品松潭拓最左磴躋千佛閣松梢盤玉露
禁城春色杳靄間二之日重游西山來青山似
萬馬西來顧其奔騰欲盡雖饒秀色不堪遠味
此中使我作關塞極天想崇山峻嶺相去寸數
茸翳類焦山隆半之圍三之樹十之鳥百之
焦山多聞

鸞其下幻上人安禪處

正統人一名鸞頭禪師

飯祇垣精

舍罷出其藏衣鉢頃已亥飭尚衣司視謹疲馬
山行愁日晚足下有白雲已覆屐其巔則里數
以七靈洞以八紘宇靜室間決策往抵上十方
禪寺石瑩而黝眺遠山數百里陟觀音洞洞口
維摩半室局有茅數束亦無鳥雀糧隘遇樵僧
數輩勞乎曰槎枿數樹石田半區饑飡野蕨飽
臥白雲賓送日月於林菁之中老此足矣遠望
一僧棲樹頂剪香芽俄下揖予入化陽洞紫藤
壽百年鐘鼓不鳴老僧龍鐘臥持炬洞右入始

石級漸土高下深百丈上視沒其頂下視滅其
屨岸巾袂袒裙輒從事二里龍躍而出指爪鱗
甲奮有魚揚鬣巨浪中一獅跌而仰其膝欲吼
視之石分子布筭黑白道曰仙人杵有峯四垂
去地尺昂其首則甌低其膝則黏與甌寧黏曰
倒蓮石入小天門壁如漆夏淋曰濺珠石再僕
至大天門廣袤古佛危坐瞻禮而出有天穴池
深洞陰沍乳滴地爲石歷亂峯大噪始揖衣下
不敢仰視忽凌霄漢虛空選擇成觸如來若來

若去若坐若臥洞容萬人或曰龐涓洞無考然
兩山之間夾成蹊車不方軌古馬陵道云朝陽
諸洞居嶺孫武子洞山之半化陽洞最勝

游潭柘寺記

出化陽洞之夕客憊余曰山者人之骨奇者山之骨招隱記云不如叔父大廳肉人耳好山明媚可枕可漱肉山耳躡雲根而人骨聽虎嘯而山骨客奮循修嶺下衍爲平原俄高阜歷阜峯出沒如指十里馬鞍山金碧背射歷歷數松梢不聞人語響迷往一遠山牛羊下來詢童子臥牛背荅五里惟有磨磨跡黃犬導之前森壁爭霞孤峯限日二里守塚戶兩三家手指尋昧昧

雉飛者三鵲巢於石蘿徑野兔橫轅十里落日
半啣四山欲暝俄衝閭長楊夾道青松間五里
定國公城兆小橋流水四達冢人出逢老嫗曰
東雨作二里余仲偕客不知所之路石石磳騎
步夾雨益注鬼火不青三里瀑訝何道出能烟
突半里至頽廟道士臥強起曰前三里敗屋鱗
喜得寺狂呼隙入古屋窺松鼠閒無人驚悅見
道上持挺下曰我家平原村一里三古幢迎馮
首涸水蛇行顛起顛始寺泉益迅由香積厨浸

畝畝匯池沼如沫如珠如搖珮如鼓瑟如風擊
竹雨淋花月皎皎諸琳宮閉山杪墻如帶僧迂
日豹來夜非挺不行超入鑊顧余仲後忽嘯岩
谷延之入復鑊坐大樹下月無纖翳濯鳧冰壺
芍藥葢幽卉襟左植櫻桃歲進因憶漢明時宴
羣臣大官進含桃盛以赤瑛月下同色皆笑空
盤此景依稀似飯寂公房以山花膳問寺何年
曰寺五百載而幽州始禹貢去都雉西北七十
里山故海眼壤空拓老潭枯始龍穴大殿中

華嚴師退之二舍兩巨角躍而出寺困水迓龍
入嶺水從嶺下山主定國公域產狼豹牛馬不
得畜故築城障之猶獵初額嘉福改潭拓龍泉
尋改大萬壽寺詳大定間蔡居士楊節度記晉
梁唐宋代有佛日廣慧雪澗無初諸比丘而從
實廣惠善誨通理益光顯之元至正間雪澗賜
御酒皇姊公主致膳東宮命談禪禮數異
聖朝太宗遇姚少師處

英宗詔廣惠戒壇遊跡罕遶金元皈依最泉澤

暖寒枕簟晨觀兩巨角峙殿之巔長及腹倍馱
蹲踞欲躍爪揚吻張出其鱗之而眼抉其匪色
似鳴累朝模範不就吻不張鱗不出眼不抉其
匪色似不鳴不蹲不踞四壁藻以水墨蕉竹坐
華嚴師騎老龍陰霧霖霖起澎湃生虛壁庭松
摩霄一枝倒挂左殿陰碣上駢駢古碑一道磨
薛讀之云從顯宗皇帝幸渾柘龍泉寺奉旨作
頌臣僧重玉進曰一林黃葉萬山秋鸞伏叅陪
結勝遊恠石爛編蹲玉虎老松蟠屈臥蒼虬俯

臨絕壑安禪邃迅落危崖瀉瀑流可笑紅塵奔走者幾人於此暫心休明昌五年記餘不勝錄有元至正八年碑紋如霞扣之鐘信州葛天麟記履巉爲三聖殿唐鑄石彌佛最古黃連樹跨兩石坐根菌露寂公採而啜予曰代柘折而左磴禮白衣大士殿經藏週如棹枰藻而鱗之胡元父子姑婦侍青蓮座下右靜宇滇僧居之左峻探泉根負勢競上互相軒邈泉水激石冷冷作響余最愛碧雲泉泉道坦四三折此峭下澗

斲石壘數百折天穴云墻外有僧結洞茅異獸
襍處出山尾山導走良鄉山形隘伏蘆溝橋一
帶皆然別有天地余屏奚奴夜入狼豹叢中遊
僅兩日計而再月則四之四陰晴則六之余骨
山山亦骨余肉相者退矣在白衣殿中見雙履
跡匣而襲之曰妙嚴公主膝有序而贊之者序
曰夫差遵父命而亡越勾踐嘗胆而亡吳伍員
之離楚國申包胥之哭秦庭皆苦心志勞筋骨
絕歲月忘寒暑而後願有所克今睹此跡逆想

其來以有情之踵磨無情之磚磚穿跡成雙足
宛然使人見之不覺身毛俱豎意慘情悽則四
子心力所積視此足力淺深寧有優劣哉贊云
以踵摩磚磚漸易磚易精進猶未止磚穿大地
承足底地穿有時人不見我獨了了無所疑因
之耿耿生悲泣嗟乎吾悲其意而錄之胡女子
有骨哉

遊嶧山記

踰鄒縣城二十五里爲三家店距十里嶧可聞
道登日之夕矣亂暮雲而入里長者云道隘峻
嶮宿晨初日分陟彼土祖中斷若門闕土人呼
紀王城漢志山下故鄒城邾遷嶧依山爲邑紀
在東海嶺榆蓋春秋紀國何居然嶺有紀王墳
下有紀王礪憇彌陀寺左觀風亭當門古幹鱗
張鬣舞掛魚龍鳧蒙連青鄒邪諸山東吸海其
北延月臺右一石鏡而立禱雲蒼翠其上庭三

碣大書鄒嶧書門三代地里書始皇乘羊車命
李斯刻石曰書門蓋嶧居太山瑯琊會稽間間
所立石宋元祐移置鄒學宮奚居玉海齊乘晉
永嘉亂建興元年中書侍郎鄒鑒徙鄉曲于家
瑯琊王廞以鑒爲兗州刺史山南大峯名鄒公
嶧云左周邾文公祠茅成子配茅成子者主益
見執以束帛乘韋請抹于吳不泯其社稷文公
一言恤民祀之義飲彌陀菴大都岱宗海上橫
涉長河結爲峯左帶顓臾之東蒙遠山數百里

秀出千芙蓉太山西南至是而盡六山魚貫從
泉流數十道如一浮漚窮盡瀛渤環山皆洞洞
挾風雨負紅日上七里輿十里步步肩人足而
躋下五里步三里蹀二里緣石髮髮竭行鳥背
輕翠微者曰山遠翠近則微石而面目之介異
之匝盤之門闕之止其奇以躡以攫以噬以冠
飾以披鏡以蹲舞以見孫以徒妾止洞而乳之
鐘之穴之池之廡之止又其奇以奕以吟以嘯
止峯起伏肺腑藏在中竅穴居外止又其奇如瓊

璃籠眼如如來屈指爲光明拳兒女囁嚅語止
余所見峰山小者星墜大者雲奔墜者上奔者
臥懸崖石覆似鈴中舌其二砥其八垂霄漢下
去地淵層疊上去天咫天半石竅尺路半以寸
石甃中長緋桃蘭草合抱之木遠不見稍顧從
石底數其根如噉虛空石崩路絕以手指月亡
失月輪亦亡其指恠異屈伏舌吐不下將巔余
憶郭公山晚眺金鰲珠闕鷓鴣咽暮潮以水圍
勝之及登望海石東海一杯水落霞欲醉觀遠

矣是日飯罷游盤龍洞三折肱入有泉貯水
僧爇不涸如器中鐺聲出于外音韻倫次三石
夾一石懸之爲鐘豐下銳上無蠡奇篆下垂至
絕鐘前臥石疑魚龍聽法如是天人圓光成音
披音露妙折而上飛雲洞峙天門試劍兩石下
洞瑩徹日射綠樹交影出由山東面折而南又
西旋之有亭坐泉足下流一石可杵至大通巖
朱櫺洞曰真儒境祀孔子蓋崑崙之東爲岱岱
南爲嶧二山之間秀所鍾云嶧陽孤桐見禹貢

入孤桐寺予聞桐枯復生

萬曆十六年桐生枝

其右孤桐

榭半幹大石屏之書嶧陽孤桐訪金仙洞泉曰
甘泉或云桐可合抱一幹挺上丈一大枝橫直
贅于枝上者三高三尺丙戌存萬題後老道士
曰山靈忌名將隱矣無幾而桐枯或云孤桐者
孤生之桐非孤樹也孤生朝陽四無陰翳故名
及登險腰半足試劍戟翼舉則胸鳴背負則色
土邪覲則驪龍俛而窺吾足步片石橋一線孤
懸躋止輦過橋石跨隱仙洞洞壑登一鑑亭池

曰龍池一石跨水長蒲蓮蘋藻青島飛踏石墮
亭之三池映其一面從小隄曲沼入觀音菴俯
視一鑑亭影零亂池中瑟瑟如夜堵急雨菴之
北石菑苔亦曰蓮花池數里歷覽扼險處如追
如奔至青華宮西三里仙人宮呼吸之氣通帝
座西仙人洞元時仙者居之然余覽洞中斷石
有元祐七年像紹聖四年帖云洞廣二十丈形
覆釜背一峯如丹鼎洞負鼎而開鼎上有九峯
峯頂彈丸元明真大師通天大師安然子夷真

通教大師遠塵于皆礪青華宮之巔爲冠子石
望大風口冠子在其足矣三里泉喧夕照亂峯
明滅雲駛月運舟行听移爲撞爲刺爲射爲括
如風吹光如刀斷水梵唄吼歌自然敷奏從白
雲宮來十五里而響徹林木池沼皆演法音余
臥梅樹下如聲度垣了無所礙俄有挾予袖上
白雲宮者由掬龍洞坐來鶴菴渺渺平烟悅視
羣峯落星不可數沉日欲低猶在千巖上五華
峯懸而瞰西峯平而揖之躡石級禮玉皇昔遠

塵子潛修于斯東遊海上見帝像自海浮出及
還像端然洞中異而祀之結茅爲居其中自雞
犬飯聖水井在宮左自洞出宮有雙松倒挂一
枝仙人伸其左肘右道藏閣下遠塵子押記書
延祐十年泉曰冽泉素湍淥潭迴清倒影出坐
遠塵子白日飛昇臺面獨山河東襟海三子峯
峙雲霞山半稠畧見近山峯頂田疇如薺石八
二老坐六子立曰八卦石山中有雲不絕數十
里羽士家雲中余所歷老君礪犬青巖小青巖

五老石東倉口西倉口皆異循五花峯道石竅
尺牘阜委蛇攀輿夫足握草根登五花懸崖如
砥石覆其上尺瓦承之左望海石蜃氣千丈騰
躍欲上右紀子墓桐陰布結清露晨流撫琴動
操衆山皆響去白雲宮里許云下南天門雄勁
而隘石高三十丈廣半之披剝萬象一山咽喉
云臥虎石踞門外可坐酒上十二候蘚食字以
草攻之錐畫出有石如鼓將士胷鼓欲鳴雲騰
鳥飛風動塵起林無靜樹妖精洞壁篆文殊白

佛言一石雲湧駭浪三青魚鼓鬚噴妖霧下集
皮礪或曰神僧解其皮處始陟輿步半舒眺及
下足刺刺進則謀人僕痛退則謀馬馬瘡所遇
石曰龍靈曰鶯嘴曰門曰猴精曰滑角曰靈巖
侯曰虎皮石曰書洞其可封秩者以百不以封
李杜主詩壇顏山上奇石上官儀居仙人宮宋
沈叢擬詩紙片片下一奇也石坐五千人者十
坐萬人五歷碧桃菴南華觀徐八寨二郎宮透
丹峪燭陰臺藤楷苑嘗聞嶧有樓觀七十二然

如書門郛嶧者已化爲飛塵蕩爲冷風矣日下
春榴花交路入紀王礪老僧曰王修行處出山
土岡綿亘邑人曰紀王城而博聞者以爲譌凌
高諸亭題詩惜不盡記東方巨鎮宗岱宗羣山
列岫臣妾同西南特起一巨峯却立不屈如英

雄

趙孟頫

曉臨四顧青天近暮眺千峯紫氣含

王

仙人樓觀七十二濯纓尚有當時泉始皇羊車

去不返書門題石空宛然

賈三

魯郊空且曠目

力不可窮條見千仞青橫截乎其東羣峯相後

先蹲踞如兒童

吳寬

茲山何崒崒秀色參青天紆

迴帶洙泗淮徐掇其前

徐源

畢峯峯巒切帝居石

門遐眺見青徐琅玕拔地千尋起菡萏籠烟百

色舒平野遙連邾子國荒苔誰辨客卿書名山

不少遊人跡若個登臨是歲除

柴向高

河勢遙分

雙白練山形近作九青蓮

又

滄浪如衣帶半挂

青巖色

又

落星不到地累丸不到天玄圃亦已

幽羣玉亦已顛金華牧兒何畹巒一入紫壇無

何有

又

深林已盡鳥不鳴攀緣猶訪白雲近

真

行狐狸穴姬壠狼島悲中落湛若水花開絕巖芬

愈遠沼出層崖地自偏錢達道石上已無秦相宇

巖前獨有魯儒祠顏延之萬轉千迴路忽迷盤蛇

一徑誰能造李化龍大地烟霞三觀接長淮風雨

二陵來黃克纘山勢雙蓮峙河流一酒杯朱長春連

雲迷漢渚到海避秦鞭又懸崖虬磴折出壑鳥

聲迴李長春停雲曉靄亂別澗飲虹雷張鶴鳴斷石

豐蕪迷小篆層崖浴霧瑣孤桐胡鑑先萬壑響松

濤飛流掛巖谷又紅退火龍甲綠明翠羽翰譚

孤桐搖落霜林白，雪夜喧飀夕照紅。平德樹

老雲爲屋山深酒，是霞。梁州琴成半死孤桐樹。

碑滅全消小篆文。成伯龍石花帶雨青初密，巖樹

凝烟色欲霞。又人自山腰尋洞入，僧從巖底結

茅居。又絕頂石崩如斷路，半巖雲起忽成峯。謝

邃洞有天通，巨壑豁崖無地敞，危臺嚴亂石

壘來空世界，孤桐枯去鳳來無。王九天接山光

碧石妨洞影，孤幾點羣山小，千巖落日低。滿一

泓聖水隨緣酌，萬劫神光不住心。劉惟餘千載

心散作山間雨

題紀王祠前人

石落不落懸崖鍾孤亭

孤軍千秋桐

霖惟

在臥虎石磨崖上字峯回瞻

易道徒倚上天門榆莢漫前浦桃花迷仙源決

去杳獨嘯環海見危垣暫喜離塵想焚茗○○

○

能三

靈跡遺往代耆舊○春情雨霽浮雲歛

風和芳草生探奇經虎窟攬勝聽龍鳴欲覓飛

昇處海空落日陰絕壑盤空曲驚峯白日危鳥

飛雲影亂鍾靜柳烟垂紅霧隱蒼莽古苔沒斷

碑堪輿頻入望○是爲貪奇嘉靖壬寅閑中劉

鳳池八卦石上勝國碣拭而歌之云玄風起兮
白雲飛玄風齊兮白雲歸山高兮地勝物換金
人非不圖今日兮金碧輝輝鶴流徜徉絕俗造
微納白雲而出岫無乃示吾橫氣之幾時多奇
篆不能讀遊以癸丑三月之廿有七日

西蹟訪梅記

二

由光福抵銅井逕穿西蹟居民嬾種梅而勤種
桑然志稱香雪三十里或曰古梅花國長子孫
而處不繫乎人也樹之亦生不樹之亦生在百
萬梅花中語人曰少梅花處奇無梅花處奇老
桑穠梅稍絕類矜嚴老婢晒梅花不如不如彼
屈曲不挂牙頰間詞家之辱梅花甚矣花之至
坎軻者夫以睡魔辱之以郵亭辱之以鹹鹵辱
之以丹青辱之以筌篋辱之以絲桐辱之自來

人近梅花梅花偏不近人夫西山之土宜梅其
人宜桑可以鄰矣藉西山之交愛梅與桑等梅
亦不芳然則三十里之梅卜不知已而處焉者
矣泛鄧尉溪徑深曲素娥匿影樓閣半籠綠東
崦至虎山橋水遶亂山兩峽一溪畫密四匝遊
人至此酣適欲狂予大笑吳儂俗甚是焉如銅
坑橋此水淺而山逼彼湖靚而峰長亂西崦度
青芝長堤浮映玉山作記者云如萬丈錦落花
染成湖水作臘脂浪予大笑曰是焉如穹湯江

山桃花臥三萬頃蓋蟠踞種桃桃伐而梅盛
山代之湖上花事一番除目也山之高出鄧尉
者曰銅井亞銅井曰安山西接具區極北青
亂抹遠可眺錫山九龍嶺頭萬株臨波隱見大
都泛鄧尉銅井間水道十里偏宜棹槳深處穩
約香葩模糊烟水中勿着醒眼銅井顧園寶珠
山茶可合抱一樹五色割梅花片席居之乃銅
徒廟二古栢丈人行也余臥一樓晨起嶺上數
株如霜行數里太湖出輕濤引風度萬玉限凌

波爲熨斗柄嫣然欲語又二里湖光漸微荒村
深塢處處飛花山窮水起漁鼓數聲疑花神擊
浪西磧而梅疎度嶺復茂古亭老銅井宋黃金
紫墓一里極饒老幹山蒼樹奇纔入董墳點染
多穉氣極喜陸家塢卜築者玉峯禮初顧先生
袖挾雲霞携手千筵同上一岡瓊積數里西蹟
一帶杳然流水猶不減數千萬株奉慈菴在其
偏余卜築讀書處泉曰壽岩背北竇疑一脉潭
淵間寒潭徹公構樓養閒名紫雲以菴東南塢

有池晨出紫雲遶奉慈而去僧來復居之元季
徐良夫招客其上稱養賢樓光福諸刹強半廢
而奉慈興至玄墓竟無梅矣然西磧第一玄墓
次之正須索解人耳巔有巨石李將軍以百夫
出之其根抱可數畝莫窮其底有大批把二株
寺僧未割愛耶踞石一望鄧尉法華障銅井青
芝左游龍右洞庭諸山乍陷乍起湖波混茫水
影交映蓋梅之勝三自懸崖而下自窪陴而登
自扁舟橫波而上下景可晒者騷人之許宜輕

陰淡日空小橋曲澗空銅瓶紙帳夫物之待而
妍者皆有所不足也梅豈有不足哉宿銅坑里
有亡橘媼晉清徹亦堪雅部道途見園丁一示
云爾家有花爾客爾園引而折我我花何辜不
覺啞然失笑噫余猶以清罵一場園丁一示爲
不辱梅花也

湖橋訪桂記

初宿銅井湖橋居人謀泐石建橋余樂道其事
以名吾記銅井山茶樹下追憶開時五色參差
老桂方池環之因話陽羨洞壑此花類銅官杜
鵬凡余游陽羨二十一洞各記夜走南岳侵於
虎踞踰返自然菴指七十二峯作七十二說鼠
醫之幾盡時時擬續曰惟遊鼠餘未暇也同遊
者浮大白引余言隱屏書之故附記焉司徒祠
柏下盤旋不能去其次玄墓石頭堪佇耳仕墟

有竹極佳花繁而葢醉眼模糊欲雨不雨鳳凰
山花皆席地獅子插滿身花張牙掉吻以酒酌
之獅子笑余亦笑獅子舞余亦舞獅子頭腦目
鼻狼籍噴花不勝酒頽然立余亦不强顧青衣
曰有酒乎山多名賢寢處其下亦有僑寓語漢
鄧尉氏曰山以君名卓哉飲吾酒一杯語晉刺
史都太玄曰君有仁政其葬也銜土之燕千慈
哉飲吾酒一杯語唐太保陸象先曰君不附太
平公生直哉飲吾酒一杯語陸甫里曰光福以

西土多石少君采樵焉幽哉飲吾酒一杯語宋
隨緣居士黃金紫曰秘閣山林適哉飲吾酒三
杯語顧景繁曰讀書五十年薦舉不出適哉飲
吾酒一杯語元隱士邵姚耿三氏曰篤學無嗣
徐達左收塋之勤哉飲吾酒一杯語王尚書曰
君死土木之難烈哉飲吾酒一杯尚有殘瀝山
鬼欲來余戒勿與率恐皇而退是爲七之日先
一日虎山橋下遇賣蝦翁赤鬚而十指毛呼與
飲甚豪雨乍霽山如新沐橋上見牧牛老人背

無笛簫鼓賽神橋下過戲語之曰盍往乞乎曰
腹已飽耳余曰汝牛幾何齒曰明年二月是牛
週歲爲種秫待君賀矣余曰非不欲來恐傷飽
耳是夜山水之態甚奇大都類此歸舟靈巖山
下月色清佳客過而問曰桂何如予曰品不逮
梅而功遠過之梅索解人耳敗骨糞土桂則馨
之蓬頭老婢桂則嬌之垂邁龍陽桂則鮮之長
年挽者桂則蒙之童僕林立桂則逞之肩輿負
擔桂則載之此其功可勝道邪客曰有一二佳

話乎曰傍舟太湖風傳其香不見一花湖倫之
下有船一隻挽子一升蘿一斗一大斛一鞠之
販花翁也

西湖月觀

甲寅居堯峯登妙高吸太湖手煮寶雲泉自龍
洞下瑯玕夾流水侵予枕簟深夜鳥啼四更吐
月游魚欲躍假寐未遑曉烟如抹風急雨來四
山暝合泛石湖楞伽間十里嵐光天長水遠以
此貪戀家山唯西湖舊游小草未削初夏日長
簡什剛氏嘗謂游山水如睡臥記述如作夢當
其夢時好醜皆夢一經改竄情事倍佳無乃非
昔夢耶旣編補帆爲拈月觀畱作湖上一夢

初四月紀

癸丑秋八月暮維舟棕毛塲步石函俄見湖光
逕棹斷橋係叔一峯送影湖面紅衣落盡遠水
一枝藕花泊妓依稀太守昔年西泠橋下問水
雲寬窄落日銜山波波擁紅巒夾綠陰斜入外
湖青蒼異狀騰焰短矣月乍鉤草欲碧一半勾
畱逆鑑上下極愛雷峯蒼立

初五月紀

自溜水橋觀慶忌塔昔要離誘入吳因風勢以

予鉤其冠而刺之葬此咸淳間怪物浮水若鐵
棺然其西鄴侯橋石函入下湖問趙宋諸貴人
豎僅餘花園老卒歌一篇耳寶所山奔水導逆
以海潮余坐落星石漱一勺泉下大佛寺萬柳
成幕橋左斷寶雲山之東宋家花如錦日錦場
及上秋陽臺淒神寒骨海風四起月到望湖亭
誦前人語西湖淡靚空濶納光景而涵烟霏漫
衍而不迫紆餘以成文陰晴之中各有奇態酒
空急抵昭慶岸沽酒

初六月紀

汎曉湖及湖巒光盡紫海雲未斷出寶佑橋

橋

紅袖青旗總宜

名園

涵碧

名橋

彷彿觀之孤山巖

立長烟初淡山水未深余觀第三橋碑不祀鄭

侯今與白蘇處士四曰四賢祠然范文正張忠

定朱徽國不宜入耶其巔歲寒巖樂天就四照

爲竹閣而麗農樓快雪閣萃其勝南陸宣公祠

今益以嚴光林逋趙抃王十朋呂祖謙張九成楊簡宋濂王琦章懋陳選陶大臨

又南

六一泉東坡先生惠勤上人哭歐公處也孤山

飯罷送客上湧金門泊藕莊飲雷峯下南屏披
峻壁翠落蓮花洞口久之乃歸臯亭諸山飛霧
如亂雲補兩湖之缺斗折蛇行與燈明滅在孤
山語處士曰有是哉處于清濁之間歐焉蘇焉
范焉白焉參寥焉慧勤焉甚之而韋后焉賈似
道焉

初七月紀

殘醉未醒閉戶作句客作竹就飲池塘蕭條夜
深與客過溜水橋月漸低急放舟十錦塘月影

半浸湖如擎寶幢卽之微縮斜下如懸指漸一指片指俄落寒潭光經時不散桂輪自水中央的燦兩峯高處月在天而半在水而圓比于山高月小余進一籌矣

初八月紀

行唐刺史九里松下長晝風雷江濤夜合隔林先作雨昔吳說書額高宗揮數十幅不能及天矯作勢萬乘辟易松旁麴院宋取金沙礪水釀官酒由合澗

北自靈隱南自天竺

登北高峰山起欬出

陸跨富春控餘杭局結錢塘突爲峰鳴雞見日
升盤三十六灣而陟西望羅刹遙接海邑郡城
飛來峰樹自崖谷擢起根生石外翠蕤蒙幕鳥
悅山客開洞曰龍泓宋丁翰之月夜集鸞處問
靈隱浦惟流泉淙淙跨澗一樓亭冷泉于巖面
寺暗林香青林洞之北昔人長嘯集猿呼曰猿
父爲建飯猿臺逐侶出雲呼兒歸洞最宜向抱
氏山房一聽猿啼松落三竺之勝亘數里自飛
來轉寺後如伏虬飛鳳稽留峰介天竺之中遙

雲飛空歸流欲瀉大悲泉流講堂下空巖懸乳
幽淙嶺在其東南深壑巉巖艸叢石瘦仰天一
線至捫壁嶺左逼障右臨溪而活沙塲滑善崩
上天門湖海一色矣自錦堤歸忙上保叔塔觀
落日山高峰蔽畧見紅霞數道到寺門海日蒼
黃倒影余乃自梅花嶼之北婆娑深樹旋下客
舟斷橋賓月忽被孤山一角水底影破則狂吟
月旣下偕琴僧過第三橋道人臥呼之不出龍
王廟後三冰臺攀而上彈雙清一曲水靜夜寒

游魚不出波淺舟閣一夜凍湖心笑前人行過
畫橋天忽曉誰似我中流自在須臾漁燈影綠
樹數峰終青雲起如烟易小艇傍湖心亭杲杲
日出

初九月紀

是夜雨 是日觀百妓會禮十

錢塘門百妓會十萬人家市聲到海皆成紅霧
俄見飛騎者入石榴裙擁始由鎮海樓上子胥
廟山自天目翔舞而東瀟于鳳凰薄湖掠江左
折吳山江介海門昂首穹脊掉尾內向道士曰

晉天福江水溢竇達呪止之夢偉人曰且聞命
矣予笑曰豈有地老天荒數千年怒不少殺而
擊山破岬者哉所至前瞰江後俯湖則三官廟
最風搖泉韻浙浙出石罅視之既靜其聽始遠
則青衣洞最雲開山露雨過竹涼高見滄溟則
雲居菴最巖竇窈窕秀石玲瓏鶴髮龍骨蹒跚
其頂壽藤怪蔓羅絡蒙密于霄之木根不土莖
寒泉滴瀝乍繁乍細煮石篝燈十宿洞中不能
言去則瑞石山紫陽菴最昔人云石者山之骨

無復生氣弔閻貴妃詩南宋可憐無故主西山
空自夢朝雲悲夫自梵天寺而北折而西爲勝
果禪寺臨江突兀南連秦望東亘吳山笑語落
富陽月巖最善中秋清輝滿隙如合璧左爲中
峰宋殿前司營在其右石筍林立錢曰排衙白
塔小竹石壁夾道古石衡云樹散雲收虹殘水
照歸由湧金喚渡得月柳洲亭白雲滿川飛浮
來往水皆縹碧

十二月紀

參寥泉

舊在孤山從築于此有泉出寺後仍名參寥焉

西爲宋布衣岳

琚祠又西爲錦塲其巔初陽臺葛洪吸日月于此驚殿作危墮勢峰拔地削立數千百尺龍爪拏攫鐫洗萬古如新每作雨崖鐵色紫陽先生嘗提舉浙東法得祀祀其下葛嶺之上舊招賢寺白樂天詩雖在人間人不識與君名作紫陽花子瞻入壽星院悟前身曾到此昔似道婉儀彌遠架廊疊磴而趙紫芝與葛仙翁並墓其下不知後人如何作眼寇萊公集妓賞緩千段晴

桃賦詩來公默然及貶嶺南道杭州桃疾曰葬
我天竺山下樂天拈花爲喻子瞻拈身爲喻舊
桃拈纖爲喻皆老禪也又聞坡公仇池筆記杭
人喜食鶯日屠百湖上夜歸百鶯皆號若有所
訴嘉靖間侍御令巡官日報屠鶯之數日屠甚
千三百有奇噫坡倅杭時戲語酒食地獄高毅
繼之獄爲一空今鶯獄亦宜空矣晚上湧金酒
舟歸自昭慶步月曲港湖州層委聽小橋流澗
立斷橋湖舟不行穿瑪瑙寺抵石雨橋皆作響

湖水空明荇藻交橫

十四月紀

從野堂諸君子與偕儀伯季生玄暉君翰修止
曰放星芝子懸約余由昭慶寺後取徑桑堤山
圍樹周西湖如艷妝山陰如翠幃深處此中蘭
湯浴罷時也月皎甚移席廣庭山如碁布瞰巖
而峙爲態舒緩草木蒙籠空青微出飛鳥時歸
紛紛點石儀伯歌與偕和出門四山如畫風露
浩然行二里至渡頭返曉起讀行卷唱吳琚海

門飛上明月

十五月紀

是日觀潮

浙潮銀山雪屋有頭數丈或曰浙去潮近猶龜
兩山橫鎖江口衝突颶激他江去潮遠湧水而
已余觀潮兵馬司前目逆海門兩山嘴合士女
雜浪花中日下春玉抹烟屏如鷺一行憇萬松
嶺絕巘左一亭秀出巖阿俯潮瀕海西湖雷峰
如坐如臥松濤峻絕若斷齧逶迤表忠觀讀子
瞻所書記余謂千古絕得意之文其次謀止高

麗王獻金塔疏莊嚴有體二文並得之湖文章
有神矣古云胸中無萬卷書眼中無天下奇山
川未必能文縱能亦兒女語耳坐靈芝寺門
詞王永流寂寂俄見紫雲萬重荇藻鷗鳬皆染絳
色數聲鐘磬千頃筵簇放舟錦堤樓舫齊垂楊
亂拂紅妝吳姬半醉清謳凌千波上棹湖心亭
吳越勝人各集豔姬嬌兒未幾歌漸杳月影在
地繽紛殊狀余乃偕客自六一泉步西泠橋選
樹四橋以下湖光深靚漁不張燈金沙灘口微

聞木魚五橋更籌亂六橋淨慈鳴鐘堤有行人
還第三橋保叔昭慶鏗鏘相荅行十二里而天
曉遠烟微出海面

按堤南一橋曰映波對西岸六橋舊有旌德
觀先賢堂觀本定香寺寶慶間京兆袁韶改
建有虛舟雪錦二亭祀許由而下四十人曰
仰高祠花竹繁紆小山曲逕二橋曰鎖瀾
對西岼五橋舊有湖山堂前擁雙塔後植兩
峰四望洲回浦合三賢堂祀白蘇林三公

三橋曰望山斜對西岼四橋水曰花港舊有
雪江草堂 四橋曰壓堤對西岼第三橋舊
有崇真道院石臺籠燈以照夜船水仙王廟
亦名龍王祠以樂天和靖子瞻附祀兩廡并
曰薦菊取蘇詩一盞寒泉薦香菊 五橋曰
東浦對西岸第二橋 六橋曰跨虹斜對西
岼第一橋稍北爲西泠橋

十六月紀

由延祥觀眺竹閣故基移自孤山昔人祀樂天以終

妓故園沉紅昵綠樂天去後倩妓傳詩耳西爲
宋洪忠宣祠又西鳳林寺鳥窠談禪處也予笑
白蘇兩公日與湖上人家雜處不辨官長湖光
澈澹如几案間物鳥窠猶向樂天愁心火相構
識浪不停豈其胷中著一西湖耶棲霞嶺下弔
岳武穆王閱新碑獄卒隄順負屍踰城至九曲
叢祠潛瘞之以玉環殉樹雙橘識焉今并祠云
其又西張憲墓夜闌飲垂虹橋須臾移第二橋
斜望西泠孤山霞起空山響木魚海天欲紅是

夜游裏六橋

按楊公堤裏湖西岍也太守楊孟瑛旣開西湖遂築此堤增建六橋然近北山三橋宋時已有之楊公所築特南山三橋耳 第一橋近淨空院玉泉之水出焉曰環壁西通耿家埠 第二橋金沙灘之水出焉題曰流金西通麴院路游靈竺者停橈其間 第三橋近龍潭有時祥光浮水曰臥龍西通茅家埠 第四橋達玉泉山而東沿堤屈曲蒼翠掩映

題曰隱秀西通花家園 第五橋西挹高峰
舊有景行祠西通麥嶺路 第六橋從定香
橋而入近發祥寺虎跑珍珠二泉之水出焉
曰濬源

十七月紀

仙姑山入青芝塢觀魚玉泉寺泉溉千頃靈鷲
寺在其後北爲法華山而西溪秦亭則法華之
分支也自行春橋出蒼烟老木間爲九里松余
與客品松選奇輒狂呼林谷浪花仰激琮琤鈇

豁其南爲仙芝嶺而合澗橋峙飛來峰路口冷
泉一亭清輝如昔偶憶樂天招韜光入城光不
赴荅詩及黃紙詔下僧徒悵望數達官不下山
山僧不入城便是清涼世界始從岫嶠山房山
半峰高百盤泉數十折長松夾道引竹流泉散
如飛雨豈紅蕖紫芽能教月下碧天哉菴有金
蓮池純陽殿觀滄海日出堦前秀靈艸芙蓉數
朶開屋薄老楓落紅滿地世外春秋艸木自寒
煖塑像絕佳仙自塗抹雲氣自此陟風篁嶺林

壑深沉流淙活活自龍井而下四時不絕嶺故
叢薄荒密元豐中辨才淬治潔楚坡云天竺已
幽阻風篁更盤紆者也片雲石之上曰獅子峰
高出羣岫可瞰江滸天竺諸峰疊繡如畫辨才
送子瞻過嶺有過溪嶺辨才老焉曰歸隱橋語
坡云與子成二老來往亦風流曰二老嶺其下
宋陳剛中基建炎議恢復與張子韶等七人共
謫詩云同日七人俱去國何時萬里許還家蓋
足壯也片雲與衆二亭甃池構石彈碁流水龍

井大槪幽古石鑑平開閒花寂艸延緣其傍鳥
韻相答水東出茅家埠入湖古人云西湖之西
浙江之北風篁嶺之上深山亂石之間盤幽宅
阻嶺之左右大率多泉者也其左爲神運石龍
井之上爲老龍井人烟曠絕一泓寒碧盃大海
塊長江西湖如鬚髮諸峰膝行匍伏僅見天目
翔舞一帶人家茫茫烟雲海氣烟霞石屋十里
桂花撲人游裾道旁狼籍亂插枝頭士女賤如
土已薄暮道太子灣西玉岑赤山之間惠因澗

鍊標鎖蛟高麗王子導澗中水梵池轉輪色如
藍獅象含雲氣定香橋至四橋月上全湖金紫
垂虹喚渡抵昭慶

十八月紀

是日觀潮

九溪十八澗僻江干游屐鮮至古無咏者九溪
在老龍井之南其西爲十八澗蓋烟霞嶺之西
溪環者九水出江而北遶龍井十八澗則徑通
五雲山雲棲寺昔柳子厚記楚山石曰以慰未
賢而辱于此者又曰其氣之靈不爲偉人而獨

爲是物故楚之南少人而多石予怪其言若杭
固多名人卽賢而辱于此者豈在石下哉是日
也憇漾碧軒金蓮數畝有鳴榔載紅裙曉渡驚
破白鷗徐行定香橋張伯雨構水軒夾赤山浴
鵝溪水下烟霞嶺卽山左麓闢華確爲徑杭越
諸峰江湖海門在指掌洞曰水樂泉自頂下山
之窪伏流飛注水波皺而聲漸激東坡詩慣見
山僧已厭聽惟餘海月空留照熙寧間鄭獬名
其洞云旁小築幽絕水樂洞在烟霞石屋之北

惠因澗北爲于忠肅墓蒼松一帶間以疎篁自
六通入定光寺飲卓錫泉出麥嶺有冰雪堂再
經龍井歷九溪峰窮水盡白雲自開山如落鴈
蹲鴻每一澗鼻口相呀蹄股交峙岸之突而出
者水滌之如蒼龍蛻骨環數小橋峰若起若斷
艸樹蔽翳巖下硯礪多千年積雪有門半掩竹
數畝法雲泉自嶺下凝乳花泉甚白度閣數楹
小龕坐臥佛石居焉出沒煙扉間而光影在澗
出復尋澗往山容舒卷澗分近遠履平地如深

洞凌高則作琴筑聲麓漸平潮泥浸野田江尚
蔽顧洶湧作遠勢出六和塔則越山樹木人家
影江面方候潮乘間入虎跑泉宋學士以僧披
法衣焚呪久之泉乃出爲作記不審南岳童子
遣虎移泉視性空權力何如哉出六和塔口初
由月輪望潮頭余從轎上觀自六和至白塔嶺
立峰際百越山窮潮頭九折天風吹海立擎赭
龕直入富陽銀龍砰砢右望則大山蔽江一面
直掠而上猛過西陵潮頭漸隱目送數十里外

知是嚴灘氣始平江舟盡泊六和口魚麗朝暉
迎一江秋雪余乃赴客招且暮以炬上慈雲嶺
其南爲龍山自天月分支沿江而東局結于此
望太極亭八卦田王伯安書院伯安寄汝中盛
稱天真之樂以此至湧金輿人呼渡余不可中
途異風作湖爲推浪絕行舟道錢塘門月主

十九月紀

客邀上青翰舫抵湧金燈火遶問水亭晚渡極
喧榜其亭云平沙水月三千頃畫舫笙歌十二

時予笑云只有六時耳那得有十二時夜訪小蓬萊飲極酣臥舫推簾拾斷橋殘月

二十月紀

曉入靈芝寺爲錢王故苑憇彭祖菴故宋聚景樓前學士橋鍊嶺諸山之水出錢塘門輸委西湖必經橋下其傍仙姥墩姥採百花釀酒仙後十餘年賣酒洞庭云南屏山羅漢室錢王夢十八巨人隨行一僧手像五百尊而化去宋表五山淨慈其一丞相鄭清之記雙井理宗書額

車輦經行處也蓮花洞口居然一亭湖山在膝
萬工池千年古樹交柯積蔭旁激洞石如砮雷
宋乾淳舊賞曰小蓬萊在雷峰塔畔故內侍此
昇園峰類削雲喬木欒樞槎于石膚有理宗御
愛松由藕花居而出林亭幽雅兩山岸湖皆饒
別構北山雜市塵中如石函橋石礪水澗居哉
架木幾不辨山水南屏一望垂楊蕭疎可愛余
又臥青翰舫居苻藻中以此爲適之味令人意
遠折問水亭而南爲孫忠烈祠宿舫中四更高

嘯月臺晨起掠艸滿湖長堤如烟雨微見保叔
陵嶒湖面

二十一月紀

棹昭慶看錦堤走馬堤盡一亭出憇金沙灘西
湖以諸泉勝泉以龍井勝故金沙一帶皆流泉
窺境第三橋歸追月玉蓮亭宋競渡奪標所笑
此游春水梅花輸一著耳然當以九溪十八澗
勝之應爲西湖樹我一標

初四日至棕毛塲散步石函橋俄見湖光如蓬
故人狂不自禁急呼小艇恣其所之 十九日
暮已買歸鯉立昭慶湖畔見淨慈一帶巒翠欲
滴湖含夕照逕渡湧金聽歸人爭渡再宿青翰
舫樓月落枕上縱筆望湖亭將曙而別 四
日抵湖是夜月初九雨初十月十一微雨市
之廿一月看月湖心十七夜宿湖舟三觀潮再
聞淨慈晨鐘于定香橋一六橋天曉一晝則極
前人藕花桂子之勝編月紀之留作湖上逸事

嘗出湧金門北爲柳洲問水三亭問水卽宋
豐樂樓址柳汀花塢歷欄檻前兩高峰夾菱歌
漁唱一時會合臥青翰舫保叔一峰在予枕
簟推牕視之斜對斷橋惟見掠艸滿湖西冷
居兩湖之中花明如霞雜以灘鴻觀月三橋
梯上漾碧軒水淺舟閣一夜凍湖濱雷峰塔
老蒼突兀如神人搢笏十五日看潮歸歷湧
金錢塘清波三門遶湖紅霞千萬層倒浸湖底
葦菜自蕭山惟湘湖第二第三橋近出葦菜

下湘湖手捋之 方弄水中月影忽被孤山壓
其一角 三潭印月舊在湖心今爲葑泥王消
詩塔邊分占宿湖船寶鑑開奩水接天 中秋
夜余行第五橋至六橋聞淨慈鐘還四橋保叔
昭慶鏗鏗互答 曉看孤山漂絮美女嬌兒逐
電追影至第三橋盡矣金沙灘一帶流水無人
偶見金蓮半畝中紅裙曉渡 曉起海雲罩山
烟烟隨曉炊亂海雲猶浮其上 自龍井歸至
第三橋月始上顧視湖平峰峰盡斂

無夢園集

江一

五